



盛唐第一

唐詩紀六十一

長樂部  
振錄西  
詩子志

鄯郡吳瑄彙編

東吳俞策同校

玄宗皇帝

本紀云諱隆基睿宗第二子性英斷多藝尤知音律美八分書儀範偉麗

有非常之表封楚王韋后謀傾宗社率劉幽求等誅之睿宗即位立為太子及即位樂善好賢開元中海內富實幾致刑措天寶十四年祿山陷京師車駕幸蜀肅宗立追尊太上皇在位四十七年崩

五言古詩

過晉陽宮

言系  
屈居卷之一  
緬想封唐處寔惟建國初俯察伊晉野仰觀乃叅  
虛井邑龍斯躍城池鳳翔餘林塘猶沛澤臺榭宛  
舊居運革祚中否時遷命茲符顧循承丕構怵惕  
多憂虞尚恐威不逮復慮化未孚豈徒勞轍跡所  
期訓戎車習俗問黎人親巡慰里閭永言念成功  
頌德臨康衢長懷經綸日嘆息履庭隅艱難安可  
忘欲去良踟躕

行次成臯途經先聖擒建德之所緬思功  
業感而賦詩

有隋政昏虐羣雄已交爭先聖按劍起叱咤風雲  
生飲馬河洛竭作氣嵩華驚克敵睿圖就擒俘帝  
道亨顧慙嗣寶曆恭承天下平幸過剪鯨地感慕  
神且英

校獵義成喜逢大雪率題九韻以示羣官  
弧矢威天下旌旗遊近縣一而施烏羅三驅教人  
戰暮雲成積雪曉色開行殿皓然原隰同不覺林  
野變北風勇士馬東日華組練觸地銀麈出連山  
縞鹿見月兔落高矰星狼下急箭旣欣盈尺非復

言系  
盛唐卷之一  
憶礮谿便歲豐將遇賢俱荷皇天眷

賜諸州刺史以題座右

開元十六年帝自擇廷臣為諸州刺史許景先治虢州源光裕鄭州寇泚宋州鄭温琦邠州袁仁恭杭州崔志廉襄州李昇期邢州鄭放定州蔣挺湖州裴觀滄州崔誠遂州凡十一人行詔宰相諸王御史以上祖道洛濱盛供具奏太常樂帛舫水嬉賜詩令題座右且給筆紙令自賦焉

眷言思共理鑑瘳

一作古

想維良猗歟此推擇聲

一作

評績著周行賢能既俟進黎獻實佇康視人當如子愛人亦如傷講學試誦論阡陌勸耕桑虛譽不

可飾清知不可忘求名迹易見安貞德自彰訟獄必以情教民貴有常恤惇且存老撫弱復綏強勉哉各祗命知予眷萬方

送忠州太守康昭遠等

端拱臨中樞緬懷共予理不有臺閣英孰振循良美分符侯甸內拜手明庭裏誓節期飲水調人方導水嘉聲馳九牧惠化光千祀時雨伴昔賢芳猷貫前史佇爾頌中和吾將令卿士

送李邕之任滑臺

詩經  
漢家重東郡宛彼白馬津黎庶旣蕃殖臨之勞近  
臣遠別初首路今行方及春課成應第一良牧爾  
當仁

温湯對雪

北風吹同雲同雲飛白雪白雪乍迴散同雲何慘  
烈未見温泉永寧知火井滅表瑞良在茲庶幾可  
怡悅

登蒲州逍遙樓

長榆息烽火高柳靜風塵卜征巡九洛展預出三

秦昔是潛龍地今爲上理辰時平乘道泰聊賞遇  
年春黃河分地絡一作脉飛觀接天津一覽遺芳翰  
千載肅如神

經河上公廟

昔聞有竒叟河上獨遺榮跡與塵囂隔心將道德  
并詎以天地累寧爲寵辱驚矯然翔寥廓如何屈  
堅貞玄玄妙門啓肅肅祠宇清冥漠無先後那能  
紀姓名

過王濬墓

詩紀  
盛唐卷之一  
四  
吳國分牛斗晉室命龍驤受任敵已滅策勲名不  
彰居美未盡善矜功徒自傷長戟今何在孤墳此  
路傍不觀松柏茂空餘荆棘場嘆嗟懸劔壠誰識  
夢刀祥

七言古詩

初入秦川路逢寒食

洛陽芳樹映天津灞岸垂楊窄地新直爲經過行  
樂處不知虛度兩京春去年餘閨今春早曙色和  
風著花草可憐寒食與清明光輝併在長安道自

從關路入秦川爭道何人不戲鞭公子途中妨蹴  
踟佳人馬上廢鞦韆渭水長橋今欲渡葱葱漸見  
新豐樹遠看驪岫入雲霄預想湯池起煙霧煙霧  
氛氲水殿開暫拂香輪歸去來今歲清明行已晚  
明年寒食更相陪

春臺望

暇景屬三春高臺聊四望目極千里際山川一何  
壯太華見重巖終南分疊嶂郊原紛綺錯參差多  
異狀佳氣滿通溝遲步入綺樓初鶯一一鳴紅樹

歸鴈雙雙一作遲遲去綠洲太液池中下黃鶴昆明水

上映牽牛聞道漢家全盛日別館離宮趣非一甘

泉逶迤巨明光五柞連延接未央周廬微道縱橫

轉飛閣迴軒左右長須念作勞居者逸勿言我一作

身後焉能恤為想雄豪壯栢梁何如儉陋卑茅室

陽烏黯黯向山沈夕鳥喧喧入上林薄暮賞餘回

步輦還念中人罷百金

五言律詩

過大哥宅

探得歌字韻

魯衛情先重親賢愛轉多  
冤旒豐暇日乘景暫經  
過戚里申高宴平臺奏雅歌  
復尋為善樂方驗保山河

同玉真公主過大哥山池

地有招賢處人傳樂善名  
鷺池臨一作尋九達龍岫

對層城桂月先秋冷蘋風向晚清  
鳳樓遙可見彷彿玉簫聲

佛玉簫聲

經魯祭孔子而嘆之

夫子何為者栖栖一代中  
地猶鄆氏邑宅即魯王

言系 盛唐卷之一  
宮歎鳳嗟身否傷麟怨道窮今看兩楹莫當與夢  
時同

惟此溫泉是稱愈疾豈余獨受其福思與  
兆人共之乘暇巡遊乃言其志

桂殿與山連蘭湯湧自然陰崖含秀色温谷吐潺  
湲績爲蠲邪著功因養正宣願言將億兆同此共  
昌延

旋師喜捷

邊服胡塵起長安漢將飛龍蛇開陣法貔虎振軍

威詐虜腦塗地征夫血染衣今朝書奏入明日凱  
歌歸

過老子廟

仙居懷聖德靈廟肅神心草合人蹤斷塵濃鳥跡  
深流沙丹竈沒關路紫煙沈獨傷千載後空餘松  
栢林

途次陝州

境出三秦外途分二陝中山川入虞虢風俗限西  
東樹古棠陰在耕餘讓畔空鳴笳從此去行見洛



陽宮

野次喜雪

拂曙闢行宮寒臯野望通繁雲低遠岫飛雪舞長  
空賦象恒依物縈迴屢逐風爲知勤愜意先此示  
年豐

送賀知章歸四明 并序

天寶三年太子賓客賀知章鑒止足之分抗歸  
老之疏解組辭榮志期入道朕以其年在遲暮  
用循挂冠之事俾遂赤松之遊正月五日將歸

會稽遂餞東路乃命六卿庶尹大夫供帳青門  
寵行邁也豈惟崇德尚齒亦勵俗勸人無令二  
疏獨光漢冊乃賦詩贈行

遺榮期入道辭老竟抽簪豈不惜賢達其如高尚  
心寰中得秘要方外散幽襟獨有青門餞羣僚悵  
別深

軒遊宮十五夜

行邁離秦國巡方赴洛師路逢三五夜春色暗中  
期關外長河轉宮中淑氣遲歌鐘對明月不減舊

詩已

盛唐卷之一

言終  
盛唐卷之一  
遊時

觀拔河俗戲

并序

俗傳此戲必致年豐故命北軍以求歲稔

壯徒恒賈勇拔拒抵長河欲練英雄志須明勝負  
多譟齊山岌業氣作水騰波預期年歲稔先此樂  
時和

同劉晃喜雨

節變寒初盡時和氣已春繁雲先合寸膏雨自依  
旬颯颯飛平野霏霏靜暗塵懸知花葉意朝夕望

中新

千秋節賜羣臣鏡

鑄得千秋鏡光生百鍊金分將賜羣后遇象見清  
心臺上水華澈窓中月影臨更銜長綬帶留意感  
人深

送趙法師還蜀因名山奠簡

道家眞靈簡自昔仰神仙眞子今將命蒼生福可  
傳江山尋故國城郭信依然二室遙相望雲迴洞  
裏天

賜道士鄧紫陽

太乙三門訣元君六甲符下傳金版術上刻玉清  
書有美探真士囊中得秘書自知一作三醮後翊  
我滅殘胡

幸蜀西至劔門

劔閣橫雲峻鑾輿出狩迴翠屏千仞合丹嶂五丁  
開灌木縈旗轉仙雲拂馬來乘時方在德嗟爾勒  
銘才

七言律詩

春日出苑遊矚

太子時作

三陽麗景早芳辰四序佳園物候新梅花百樹一作  
般障去路垂柳千條暗回津鳥飛直爲驚風葉魚  
沒都由怯岸人唯願聖主南山壽何愁不賞萬年  
春

五言排律

春晚宴兩相及禮官麗正殿學士探得風  
字并序

朕以薄德祇膺歷數正天柱之將傾紉地維之

已絕故得承奉宗廟垂拱巖廊居海內之尊處  
域中之大然後祖述堯典憲章禹績敦睦九族  
會同四海猶恐烝黎未乂徭戍未安禮樂之政  
虧師儒之道喪乃命使者衣繡服行郡縣因人  
所利擇其可勞所以便億兆也乃命將士擐介  
冑矢石審山川之向背應歲月之孤虛所以  
靜邊陲也乃命禮官考制度稽典則序文昭武  
穆享天地神祇所以申嚴潔也乃命學者繕落  
簡緝遺編纂魯壁之文章綴秦坑之煨燼所以

脩文教也故能使流寓返枌榆之業戎狄稱藩  
屏之臣神祇歆其禋祀庠序闡其經術旣家六  
合時巡兩京函秦則委翰斯遠鼎邑則朝宗所  
利封畿四塞從來測景之都城闕千門自昔交  
風之地陰陽代謝日月相推豈可使春色虛捐  
韶華並歇乃置旨酒命英賢有文苑之高才有  
掖垣之良佐舉杯稱慶何樂如之同吟湛露之  
篇宜振凌雲之藻于時歲在乙丑開元十三年  
三月二十七日

言  
乾道運無窮，恒將人代工。陰陽調曆象，禮樂報玄  
穹。介冑清荒外，衣冠佐域中。言談延國輔，詞賦引  
文雄。野霽伊川綠，郊明鞏樹紅。冕旒多暇景，詩酒  
會春風。

首夏花萼樓觀羣臣宴寧王山亭迴樓下

又申之以賞樂賦詩

并序

萬物莫不氣兆乎上，而形視乎下。鐵石異品，雲  
蒸並濕，草木無心。春來咸喜，故聖人弘道先王  
法天，酒星主獻酬之義，需卦陳飲食之象。近命

羣官欣時樂宴，盡九春之麗景，匝三旬之暇日。  
暢飲桂山，棹歌泌水，醇以養德，味以平心。本將  
導達陽和，助成長育，亦朝廷多慶，軍國餘閑者  
也。前月之晦，細風飄雨，繁絃中止，列席半醉，佳  
辰易失，絕興難追，良可惋也。今年帶閏節候，全  
晚，暑氣猶清，芳草未歇，申布雅意，復叙初筵，披  
樂善之邸，坐忘憂之觀，東郊跬步，南山在目，足  
以締夏首之新賞，補春餘之墜歡。朕登覽上官，  
俯臨長陌，暢衆心之怡，虞懽歸騎之逶迤，鼓之

詩經 盛唐卷之一  
以琴瑟侑之以筐篚衢樽意洽場藿思苗賦我  
有嘉賓之詩奏君臣相悅之樂踟蹰西日吟翫  
乘風不知衷情發於翰墨也

今年通閏月入夏展春輝樓下風光一作花晚城隅

宴賞歸九歌揚政要六舞散朝一作征衣天喜時相

合人和事不違禮中推意厚樂處感心微別賞陽

臺樂前旬暮雨飛

同二相已下羣官樂遊園宴二相謂張說宋璟

撰日巖廊暇需雲宴樂初萬方朝玉帛千品會簪

裾地入南山近城分北斗餘池一作林塘垂柳密原

隰野一作野雜花踈帘幕看逾暗歌鐘聽自虛興闌歸

騎轉還奏弼違書

集賢書院成送張說上集賢學士賜宴得

珍字

廣學開書院崇儒引席珍集賢招袞職論道命台

臣禮樂沿今古文章革舊新獻酬樽俎列賓王位

班陳節變雲初夏時移氣尚春所希光史冊千載

仰茲晨

王屋山送道士司馬承禎還天台

紫府求賢士清谿祖逸人江湖與城闕異跡且殊

倫間有幽棲者居然厭俗塵林泉先得性芝一作松

桂欲調神地道踰稽一作雞嶺天台接海濱一作瀕音

徽從此間萬古一芳春

早度蒲關

王荆公百家選以此篇為開卷第一

鐘鼓嚴更曙山河野望通鳴鑿下蒲坂飛旆入秦

中地險關逾壯天平鎮尚雄春來一作深津樹合月

落戍樓空馬色分朝景雞聲逐曉風所希常道泰

非復候繻同

途經華嶽

飭駕去京邑鳴鸞指洛川循一作脩途經太華迴蹕

暫周旋翠嶠畱斜影懸巖冒一作凝夕煙四方皆石

壁五位配金天彷彿看高掌依稀聽子先終當銘

歲月從此記靈仙

喜雪

日觀卜先征時巡順物情風行未備禮雲密遽飄

霽委樹寒花發縈空落絮輕朝如玉已會庭似月

言終  
盛唐卷之一  
十四  
猶明既覩膚先合還欣尺有盈登封何以報因此  
謝功成

幸鳳湯泉

西狩觀周俗南山歷漢宮薦鮮知路近省歛覺年  
豐陰谷合神爨湯泉養聖功益齡仙井合愈疾醴  
源通不重鳴岐鳳誰矜陳寶雄願將無限澤霑沐  
衆心同

南出雀鼠谷答張說

紀事云玄宗登封泰山南山出雀鼠  
谷張說獻詩玄宗御答羣臣應制

雷出應

一作  
膺

乾象風行順國人川途猶在晉車馬

漸歸秦背陝關山險橫汾鼓吹頻

一作  
震

草依陽谷

變花待北巖春聞有鷓鸞客清詞雅調新求音思  
欲報心跡竟難陳

賜崔日知往潞州

潞國開新府壺關寵舊林妙旌

一作  
精

循吏德持悅

庶氓心禮樂中朝貴神明列郡欽揚風非贈扇易  
俗是張琴藩鎮謳謠滿行宮雨露深會書丞相策  
先賜潁川金



言終  
爲趙法師別造精院過院賦詩

并序

秋九月聽政觀風存乎遊息退朝之後歷西上陽入清虛院則法師所居之地也法師得玄元之法養浩然之氣故法此仙家特建真宇紫房對聳綠竹羅生旣親重其人每經過其地以怡神洗雪進德修業何必齋心累月遠在順風因而賦詩用適其意云爾

宗師心物外爲道運虛舟不戀巖泉賞來從宮禁遊探玄知幾歲習靜更宜秋煙樹辨朝色風湍聞庶可求

端午三殿宴羣臣探得神字

并序

律中蕤賓獻酬之象著火在盛德文明之義輝故以式宴陳詩上和下暢者也朕宵衣旰食輯聲教於萬方卜戰行師總兵鈐於四海勤貪日給憂忘心勞聞蟬聲而悟物變見槿花而驚候改所賴濟濟朝廷視成鷓鴣桓桓邊塞責辦熊羆喜麥秋之有登玩梅夏之無事時雨近霽西

郊霍靡而一色炎雲作峯南山差峩而異勢正  
當召儒雅宴高明廣殿肅而清氣生列樹深而  
長風至厨人嘗散熱之饌酒正行消暑之飲庖  
捐惡鳥俎獻肥龜新筒裹練香蘆角黍恭儉之  
儀有序慈惠之意溥洽諷味黃老致息心於真  
妙抑揚游夏滌煩想於詩書超然玄覽自足爲  
樂何止柏枕桃門驗方術於經記綵花命縷觀  
問遺於風俗感婆娑於孝女憫枯槁之忠臣而  
已哉嘆節氣之循環美君臣之相樂凡百在會

咸可賦詩五言紀其日端七韻成其火數豈獨  
漢武之殿盛朝士之連章魏文之臺壯辭人之  
並作云爾

五月符天數五音調夏鈞舊來傳五日無事不稱  
神穴枕通靈氣長絲續命人四時花競巧九子粽  
爭新方殿臨華節圓宮宴雅臣進對一言重道文  
六義陳股肱良足詠風化可還淳

端午

端午臨中夏時清日復長鹽梅已佐鼎麴蘖且傳

詩經  
卷之十一  
觴事古人留迹年深縷績長當軒知槿茂向水覺  
蘆香億兆同歸壽羣公共保昌忠貞如不替貽厥  
後昆芳

春中興慶宮醮宴

并序

夫抱器懷才含仁蓄德可以坐而論道者我於  
是乎闢重門以納之作扞四方折衝萬里可運  
籌帷幄者我於是乎懸重祿以待之是故外無  
金革之虞朝有縉紳之盛所以巖廊多暇垂拱  
無爲不言而海外知歸不教而寰中自肅元亨

之道其在茲乎况乎天地交而萬物通陰陽和  
而四時序所寶者粟所貴者賢故以宵旰爲懷  
黎元在念盡力溝洫不知宮室之已卑致敬鬼  
神不知飲食之斯薄往以仲冬建子南至初陽  
爰詔司存式陳郊祀挹夷夏之誠請荅人神之  
厚睠煙歸太乙禮備上玄足以申昭報之情足  
以極嚴禋之道然心融萬類歸雷雨之先春慶  
洽百僚象雲天而高宴歲二月地三秦水汎汎  
而龍池滿日遲遲而鳳樓曙青門左右軒庭映

梅柳之春紫陌東西帘幕動煙霞之色撞鐘伐鼓雲起雪飛歌一聲而酒一杯舞一曲而人一醉詩以言志思吟湛露之篇樂以忘憂慙運臨汾之筆

九達長安道三陽別館春還將聽朝暇迴作豫遊晨不戰要荒服無刑禮樂新合醜覃土宇歡宴接羣臣玉笋飛千日瓊筵薦八珍舞衣雲曳影歌扇月開輪伐鼓魚龍雜撞鐘角觝陳曲終酣興晚須有醉歸人

千秋節宴 并序

令節肇開情兼感慶率題八韻以示羣臣

蘭殿千秋節稱名 一作君 一作萬壽 一作歲 一作觴風傳率土慶

日表繼天祥玉宇開花萼宮 一作金 一作縣動會昌衣冠

白鷺 一作露 一作下 一作壽 一作 下帘幕翠雲長獻遺 一作壽 一作 成新俗朝儀

入舊章月銜花綬鏡露綴絲絲囊處處祠田祖年

年宴杖鄉深思一德事小獲萬人康

左丞相說右丞相璟太子少傅乾曜同日

上官命宴東 一作都 堂賜詩

蘇晉序云惟聖寶賢以齊皇極有若左丞相燕  
國公右丞相廣平公太子少傅安陽侯皆生人  
碩德皇國元老道著廊廟績宣華戎由是懋其  
成功錫以元圭咨日于朔擇時于秋俾對命王  
庭受職公府見羣屬揖庶寮禮官辨章掌舍陳  
次瞽工備樂侑饗獻蒸六卿拜下以成儀三事  
自天而來賀秩秩賓筵暉暉旅醕玉緯垂文南  
風和雅頌之奏金漿降醴雲天光飫酌之宜宰  
德貴和盡莊敬具瞻之範羣情尚洽預周旋宴

語之歡方將一心天工戮力帝載寢黑山之柝  
包青海之戈雲雨賢才水火菽粟日詠魚藻歲  
陳由庚頤殷趙之年留魯陽之景爰命在宴乃  
賡載歌

赤帝收三傑黃軒舉二臣由來丞相重分掌國之  
鈞我有握中璧雙飛席上珍子房推道要仲子訝  
風神復輟台衡老將爲調護人鷓鸞同拜日車騎  
擁行塵樂聚南宮宴觴連北斗醇俾余成百揆垂  
拱問彝倫

早登太行山中言志

清蹕度河陽疑笳上太行火龍明鳥道鐵騎繞羊腸  
白霧埋陰壑丹霞助曉光澗泉含宿凍山木帶餘霜  
野老茅爲屋樵人薜作裳宣風問耆艾敦俗勸耕桑  
涼德慙先哲微猷慕昔皇不因今展義何以冒垂堂

平胡 并序

戎羯不虔竊我荒服命偏師之俘翦彼應期而  
咸殄一麾克定告捷相仍爰作是詩聊以言志

雜虜忽猖狂無何敢亂常羽書朝繼入烽火夜相望  
將出凶門勇兵因死地強蒙輪皆突騎按劍盡鷹揚  
鼓角雄山野龍蛇入戰場流膏潤沙漠濺血染鋒鏑  
霧掃清玄塞雲開靜朔方武功今已立文德愧前王

遊興慶宮作 并序

暇日與兄弟同遊興慶宮登勤政務本及華萼相輝之樓  
所以觀風俗而勸人崇友于而敦睦詩以言志歌以永  
言情發於衷率題此什

代邸青門右離宮紫陌陞庭如過沛日水若渡江  
 時綺觀連雞岫朱樓接鴈池從來敦棗萼今此茂  
 荆枝萬葉傳餘慶千年志不移凭軒聊屬目輕輦  
 共追隨務本方崇訓相輝保羽儀時康俗易漸德  
 薄政難施鼓吹迎飛蓋絃歌送羽卮所希覃率土  
 孝弟一同規

送張說巡邊

端拱復垂裳長懷御遠方股肱申教義戈劍靖要  
 荒命將綏邊服雄圖出廟堂三台入武帳八座起

文昌寶

一作送

胄匡韓王華宗輔漢王茂先慙博物

平子謝文章盡節恢時佐輸誠禦寇場二軍臨朔  
 野駟馬卽戎行鼓吹威夷狄旌軒溢洛陽雲臺先  
 著美今日更貽芳

餞王駿巡邊

振武威荒服揚文肅遠墟金壇申將禮玉節授軍  
 符免胄三方外銜刀萬里餘昔時吳會靜今日虜  
 庭虛分闡仍推轂援桴且訓車風揚旌旆遠雨洗  
 甲兵初坐見台階謚行聞祆祲除檄來雖插羽箭

去亦飛書舟楫功須著鹽梅望匪疎不應陳七德  
欲使化先敷

巡省途次上黨舊宮賦 并序

朕昔在初九佐貳此州未遇扶搖之力空俟海  
沂之詠洎大橫入兆出處斯易一揮寶劍遽履  
瑤圖承歷數而順謳謠着天衣而御區夏嗟乎  
向時沈默駕四馬而朝京師今日逍遙乘六龍  
而問風俗爰因巡省途次舊居山川宛然人事  
無間忽其昇華周遊館宇觸目依然雖迹異漢

皇而地如豐邑擊筑慷慨酌桂留連空想大風  
題茲短什

三千初擊浪九萬欲搏空天地猶驚否陰陽始遇  
蒙存貞身一作期歷試佐貳佇昭融多謝時康理良  
慙實賴功長懷問鼎氣夙負拔山雄不學劉琨舞  
先歌漢祖風英髦既包括豪傑自牢籠人事一朝  
異謳歌四海同如何昔朱邸今此作離宮鴈沼澄  
瀾翠猿巖落照紅小山秋一作桂馥長坂舊蘭叢  
卽是淹留處乘歡樂未窮



五言絕句

潼關口號

河曲迴千里關門限二京所嗟非恃德設險到天平

千秋節賜羣臣鏡

瑞露垂花綬寒永澈寶輪對茲臺上月聊以慶佳辰

續薛令之事見令之詩

喙木嘴距長鳳凰毛羽短苦嫌松桂寒任逐桑榆

煖

七言絕句

過大哥山池題石壁

澄潭皎鏡石崔巍萬壑千巖暗綠苔林亭自有幽貞趣况復秋深爽氣來

題梅妃畫真

憶昔嬌妃在紫宸鉛華不御得天真霜綃雖似當時態爭奈嬌波不顧人

傀儡吟一作梁鐁詠木老人詩

刻木牽絲作老翁雞皮鶴髮與真同須臾弄罷寂  
無事還似人生一夢中

闕文

薛王疾瘳置酒更爲初生之歡

昔見漳濱卧言將人事違今逢慶誕日猶謂學仙  
歸棠棣花重發鴿原鳥再飛

闕

裴寬爲太原尹賦詩餞之

德比代雲布心如晉水清

闕

盛唐第一

盛唐第二

唐詩紀六十二

鄆郡吳瑄彙編

東吳俞策同校

王灣

洛陽人登先天進士第開元初爲滎陽主簿後爲洛陽尉○殷璠云灣詞翰早者爲

天下所稱最者不過一二遊吳中江南意云海日生殘夜江春入舊年詩人以來少有此句張燕公手題政事堂每示能文令爲楷式又擣衣篇云月華照杵空隨妾風響傳砧不到君所有衆制成類若斯非張蔡之未見也覺顏謝之彌遠乎

晚夏馬嵬

一作

卿叔池亭卽事寄京都一

二知已

忝職畿甸淹濫陪時俊一作英後才輕策疲劣勢薄

常驅走牽役勞風塵秉心在巖數宗賢開別業形

勝代稀偶竹繞清渭涓泉流白渠口逡巡期賞會

揮忽變星斗逮此乘務閑一作餘因而訪幽叟入來

殊景物行復一作得洗紛垢林靜秋色多潭深月光

厚盛香蓮近拆新味瓜初剖滯拙懷隱淪書之寄

良久

奉使登終南山

常愛南山遊因而盡原隰數朝至林嶺百仞登嵬

岌石壯一作狀馬徑一作經窮苔色步緣入物奇春狀

一作貌改氣遠天香集虛洞策杖鳴低雲拂衣濕倚

巖見廬舍入戶欣拜揖問性矜勤勞示心教澄習

玉英時共飯芝草為余拾境絕人不行潭深鳥空

立一乘從此授九轉兼是給辭處若輕飛憩來唯

吐吸開一作閑襟超已勝迴路倏而及煙色松上深

水流山下急漸平逢車騎向晚睨城邑峯在野趣

繁塵飄宦情澁一作緝辛苦久為吏榮進一作勞生何妄

執日暮懷此山悠然賦斯一作新什

麗正殿賜宴同勒天前煙年四韻應製

金殿忝陪賢瓊羞忽降天鼎羅仙掖裏觴拜瑣闈

前院逼青霄路厨和紫禁煙酒酣空忭舞何以荅

昌年

奉和賀監林月清酌

華月當秋滿朝英一作軒假興同淨林新霽入規一作

院小一作早涼通碎影行筵裏搖花落酒中清宵

凝爽一作照然意併此助文雄

江南意

南國多新意東行伺早天潮平兩岸失風正一作

數帆懸海日生殘夜江春入舊年從來觀氣象惟

向此中偏一本作次北固山下云客路青山外行

日生殘夜江春入舊年鄉書何處達歸鴈洛陽邊

觀搗箏一作祖

虛室有秦箏箏新月復清絃多弄委曲柱促語分

明曉怨凝繁手春嬌入曼一作慢聲近來唯此樂傳

得美人情

晚春詣蘇州敬贈武員外

蘇臺憶季常飛棹歷江鄉持此功曹掾初離一作初稱

華省郎貴門生禮樂明代秉文章嘉郡一作壁位先

進鴻儒名重揚爰從姻婭一作戚貶豈失忠信防萬

里行驥一作汗馬足十年睽鳳翔廻遷翊元聖入拜佇

惟良別業對南浦羣書滿北堂意深投轄盛才重

接筵光陋學叨鉛簡弱齡詞翰場神馳勞舊國顏

展別殊方際曉雜氛散殘春衆物芳煙和疎樹滿

雨續小谿長旅拙感成慰通賢顧不忘從來琴曲

罷開匣爲君張

秋夜寓直卽事懷贈蕭令公裴侍郎兼通

簡南省諸友人

聖主萬年興賢臣數載升古靈傳嶽秀宏量稟川

澄畿甸舉長策風霜秉直繩出車送俗震登閣滿

朝稱賦簡流亡輯農安政理憑還家新長幼巡壠

舊溝塍忠梗大勲立寰瀛墮業懲焚香兼御史懸

鏡委中丞旟隼當朝立臺驄發郡乘司徒漢家重

國典潁川徵雲路俄平入台階忽上凌秉鈞調造

化宣綽慰黎烝金省方秋作瑤軒直夜凭中書贈

詩經  
盛唐卷之二  
四  
陳準右相簡王陵三傑賢更穆百僚歡且競搖懷  
及賓友計曲辨淄澠閭闔暝陰散鈎陳爽氣凝月  
深宮樹轉河近禁樓冰甲吏夙驅策微涓效斗升  
望麾宵繼火書檄一作曙懷蒸彼此雖流盼規模  
轉服膺惠將霄漢隔勞或歲時矜位重恩寧濫才  
輕懾不勝林巒甘獨往疵賤苦相仍敢忘銜花雀  
思同附驥蠅平生逐烏雀何日嗣蒼鷹

哭補闕亡友綦毋學士

明代資多士儒林得異才書從金殿出人向玉墀

來詞學張平子風儀褚彥回崇儀希上德近侍接  
元台曩契心期早今遊宴賞陪屢遷君擢桂分尉  
我從梅忽遇乘軺客云傾構厦材泣爲洹水化歎  
作泰山頽冀善初將慰尋言半始猜位聯情易感  
交密痛難裁遠日寒旌暗長風古挽哀寰中無舊  
業行處有新苔反哭魂猶寄終喪子尚孩葬田門  
吏給墳木路人栽遽洩悲成往俄傳寵令迴玄經  
貽石室朱紱耀泉臺地古春長閉天明夜不開登  
山一臨哭揮淚滿蒿萊

閏月七日織女

耿耿曙河微神仙此夜一作會稀今年七月閏應得

兩迴歸

張均

燕國公說長子能文開元中為中書舍人歷官至刑部尚書大理卿祿山之亂授偽命為中書令掌賊樞衡肅宗立免死長流合浦郡見說傳

和尹忭登南樓

客來已兩春更瞻韶光早花鳥玩環合江山復駢  
抱樓形寫北潭堞勢凌青島白雲謝歸鴈馳懷洛  
陽道

岳陽晚景

晚景寒鷗集秋風

一作聲旅一作海鴈歸水光浮日去

一作出霞彩映江飛洲白蘆花吐園红柿葉稀長沙

卑濕地九月未成衣

江上逢春

離憂耿未和春慮忽蹉跎擇木猿知去尋泥燕獨  
過驚花翻霽日垂柳拂煙波激意屢怡賞無如鄉  
念何

九日巴丘登高

言終  
客心驚暮序賓鴈下滄洲襄川作共賞重陽節言尋  
戲馬遊湖風扶一作愁戍柳江雨暗山樓且酌東籬  
酒聊祛南國憂

和尹忭秋夜遊滄湖二首

遠水沈西日寒沙聚夜鷗平湖乘月滿飛棹接星  
流黃葉鳴淒吹蒼葭掃暗洲願移滄浦賞歸待頽  
川遊

灣潭幽意深杳靄涌寒岑石痕秋水落嵐氣夕陽  
沈澄徹天爲底淵玄月作心青谿非大隱歸弄白

雲濤

巴丘春日作

日出洞庭水春山挂斷霞江涔相映發卉木共紛  
華湘戍南浮濶荆關北望賒湖陰窺魍魎丘勢辨  
巴蛇島戶巢爲館漁人艇作家自憐心問影三歲  
客長沙

岳州觀競渡

畫作飛鳧艇雙雙競拂流袷裝川色變急棹水華  
浮土尚三閭俗江傳二女遊齊歌迎孟姥獨舞送



陽侯鼓發南湖漑標爭西驛樓並馳常詫速非畏  
日光道

岳州西城

水國何遼曠風波遂極天西江三汜合南浦二湖  
連危堞臨清境煩憂暫豁然九圍觀掌內萬象閱  
眸前日去長沙渚一作浦山橫雲夢田汀葭變秋色  
津樹入寒煙潛穴探靈詭浮山揖聖仙至人今不  
見迹滅事空傳

流合浦嶺外作

瘴江西去火為山炎徼南窮鬼作關從此更投人  
境外生涯應在有無間

張垞

燕國公說次子尚寧親公主拜駙馬都尉  
許於禁中置內宅侍為文章坐事出為盧  
谿司馬召入為太常卿祿  
山亂為賊宰相死於賊中

奉和岳州山城

一作張均詩

郡館臨清賞開

一作閑

局坐白雲訟虛棠戶曙觀靜

竹簷曛懸榻迎賓下趨庭學禮聞風傳琴上意遙

向日華紛

尹忭

張燕公出守岳州  
忭為從事官補闕

詩已

盛唐卷之二

八

詩經  
卷之二  
八  
奉陪張燕公登南樓

君子每垂眷江山共流眄水遠林外明巖近霧中  
見終日西北望何處是京縣屢登高春臺徒使淚  
如霰

秋夜陪張丞相趙侍御遊澗湖二首

并序

燕公以蓋

董一作

司馬初到趙侍御客焉聿理方

舟嬉遊澗壑覽山川之異探泉石之奇騁望崇  
朝留樽待月一時之樂豈不盛歟賦詩者列之  
於左

熊軾巴陵地鷁舟湘水潯江山與勢遠泉石自幽  
深杳靄入天壑冥茫見道心超然無俗事清宴有

空

深一作林

江上饒奇山噴羅雲水間風秋樹色雜苔古石文  
斑巴俗將千澹澗湖凡幾灣嬉遊竟不盡乘月汎  
舟還

汎洞庭

風光浙浙草中飄日彩熒熒水上搖幸奉瀟湘雲  
壑意山傍容與動仙橈

陰行先 開元中為湘州從事

和張燕公湘中九日登高

重陽初啓節無射正飛灰寂寞風蟬至連翩霜鴈來山棠紅葉下岸菊紫花開今日栢公座多愧孟嘉才

九日進茱萸山詩五首

又見張說集按萬首絕句作陰行先

家居洛陽下舉目見嵩山刻作茱萸節情生造化間

黃花宜泛酒青嶽好登高稽首明庭內心為天下

勞

菊酒攜山客更囊繫牧童路疑隨大隗人似問鴻

蒙

九日重陽數三秋萬寶成時來謁軒后罷去坐蓬

瀛

晚節歡重九高山上五千醉中知偶聖夢裏見尋

仙

李伯魚

臨淄人善為文登開元六年進士第擢校書郎為青州司功卒其妻范陽張氏

女燕公說之妹

桐竹贈張燕公

北竹青桐北南桐一作家綠竹南竹林君早愛桐樹

我初貪鳳栖桐不媿鳳食竹何慙棲食更如此餘

非鳳所堪

崔頌開元中為荊州郡司馬

和張荊州九齡晨出郡舍林下

優閑表政清林薄賞秋成江上懸曉月往來虧復

盈天雲抗直意郡閣晦高名坐嘯應無欲寧辜濟

物情

王泠然開元初王丘為吏部典選獎用王泠然等皆一時茂秀見王丘傳

題河邊枯柳

隋家天子憶揚州厭坐深宮傍海遊穿地鑿山開

御路鳴笳疊鼓汎春流流從鞏北分河一作河汾口直

到淮南種官柳功成力盡人旋亡運一作代謝年移

樹空有當時絲女侍君王帳殿旌門對柳行青葉

交垂連幔色白花飛散一作度染衣香今日摧殘何

用道數里曾無一株好驛騎江一作征帆損更多山

精野魅藏應老涼秋一作風九一作八月露為霜日夜

孤舟入帝鄉河畔時時聞落葉一作木落客中無箇不

沾裳一作客中無不淚沾裳

### 夜光篇

遊人夜到汝陽間夜色冥濛不解顏誰家暗起寒  
山燒因此明中得見山山頭山下須臾滿歷險緣  
深無暫斷焦聲散着羣樹鳴炎氣傍林一川煖是  
時西北多海風吹上連天光更雄濁煙熏月黑高  
豔蕤雲紅初謂煉丹仙竈裏還疑鑄劍神谿中劃  
為飛電來照物乍作流星併上空西山無草光已

滅東頂熒熒猶未絕沸湯空谷數道水融蓋陰崖  
幾年雪兩京貧病若為居四壁皆成鑿照餘未得  
貴遊同秉燭唯將半影借披書

### 試古木臥平沙

古木臥平沙摧殘歲月賒有根橫水石無葉拂煙  
霞春至苔為葉冬來雪作花不逢星漢使誰辨是  
靈槎

### 淮南寄舍弟

昔予從不調經歲旅淮源念爾長相失何時返故

言糸 盛唐卷之二  
園寄書迷處所分袂隔涼温遠道俱為客他鄉共  
在原歸情春伴鴈愁泣夜隨猿愧見高堂上朝朝  
獨倚門

薛令之

長谿人官左補闕兼侍讀時東宮官積年不遷乃棄官徒步歸鄉里肅宗立以舊恩召而令之已前卒見賀知章傳

自悼

紀事云令之為左庶子開元中東宮官僚清淡題詩自悼云云玄宗幸東宮索筆續之令之遂謝病歸○玄宗續詩見本集

朝日上團團照見先生盤盤中何所有苜蓿長闌

干飯澁匙難縮羹稀筋易寬只可一作無以謀朝夕何由保歲寒

李昂

開元中為考功員外郎性剛急不容物嘗典試事不受囑請

賦戚夫人楚舞歌

定陶城中是妾家妾年二八顏如花閨中歌舞未終曲天下死人如亂麻漢王此地因征戰未出簾櫳人已薦風花茵蔯落轅門雲雨徘徊入行殿日夕悠悠非舊鄉飄飄處處逐君王閨門向裏通歸夢銀燭迎來在戰場相從顧恩不顧已何異浮萍

言系  
盛唐卷之二  
寄深水逐戰曾迷隻輪下隨君幾陷重圍裏此時  
平楚復平齊咸陽宮闕到關西珠簾夕殿聞鐘磬  
白日秋天憶鼓鼙君王縱恣翻成誤呂后由來有  
深妬不柰君王容鬢衰相存相顧能幾時黃泉白  
骨不可報雀釵翠羽從此辭君楚歌兮妾楚舞脉  
脉相看兩心苦曲未終兮袂更揚君流涕兮妾斷  
腸已見儲君歸惠帝徒留愛子付周昌

從軍行

漢家未得燕支山征戍年年沙朔間塞下長驅汗

血馬雲中怕閉玉門關陰山瀚海千萬里此日桑  
河凍流水稽洛山邊胡騎來漁陽戍裏烽煙起長  
途羽檄何相望天子按劍思北方羽林練士拭金  
甲將軍校戰出玉堂幽陵異域風煙改亭障連連  
古今在夜聞鴻鴈南渡河曉望旌旗北臨海塞沙  
飛浙瀝遙裔連窮磧玄漠雲平初合陣西山月出  
聞鳴鏑城南百戰多苦辛路傍死臥黃沙人戎衣  
不脫隨霜雪汗馬趁趨長被鐵楊葉樓中不寄書  
蓮花劍上空流血匈奴未滅不言家驅逐行行邊

言糸  
微賒歸心海外見明月別思天邊夢落花落花迴  
望何悠悠芳樹無人度隴頭春雲不變陽關雪桑  
葉先知胡地秋田疇不賣盧龍策竇憲思勒燕然  
石麾兵靜北垂此日交河湄欲令塞上無干戚會  
待單于繫頸時

崔珪

紀事云開元中為太子詹事與兄中書舍人琳弟光祿卿瑤俱列棨戟世號三戟崔家

孤寢怨

征戍動經年含情拂玳筵花飛織錦處月落擣衣

邊燈暗愁孤坐牀空怨獨眠自君遼海去玉匣閉  
春絃

庫狄履温

開元時人官尚書員外郎兼克節度判官開元九年御史宇文融奏置勸

農判官以履温等二十九人並攝御史分往天下皆當時知名之士

夏晚初霽南省寓直

時兼尚書郎節度判官

薄宦因時泰涼宵寓直初沈沈仙閣閉的的暗更  
徐霽色連空上炎氛入夜除星迴南斗落月度北  
牕虛待漏殘燈照含芳襲氣餘寐來冠不解奏罷  
草仍書幕府慙良策明曹媿散樗命輕徒有報義



重更難踈燕厦欣成託鷓行濫所如晨趨當及早  
復此戒朝車

盛唐第二

盛唐第三

唐詩紀六十三

鄆郡吳瑄彙編

東吳俞策同校

萬齊融

越州人與賀朝包融于  
休烈齊名終崑山令

三日綠潭篇

春潭滉漾接隋宮宮闕連延潭水東蘋苔

一作嫩

色含波綠桃李新花照底紅垂菱布藻如妝鏡麗

日晴天相照

一作皎

映素影沈沈對蝶飛金沙礫礫

窺魚泳佳人袂褱賞韶年傾國傾城併可憐拾翠

詩已

盛唐卷之三

揔來芳樹下踏青爭遶綠潭邊公子王孫恣遊翫  
 沙陽一作非水曲情無厭禽浮似挹羽觴杯鱗躍疑  
 投水心劔金鞭一作鞍玉勒騁輕肥落絮紅塵擁路  
 飛綠水殘霞催席散畫樓初月待人歸

仗劔行

昨夜星宮動紫微今年天子用武威登車一呼風  
 雷動遙震陰山撼巍巍胡驕子當見旄頭蝕應死  
 願騎單馬仗天威採取長繩縛虜歸仗劔遙叱路  
 傍子匈奴頭血濺君衣

贈別江

東南飛鳥處言是故鄉天江上風花晚君行定幾  
 千計程頻破月數別屢開年明歲潯陽水相思寄  
 采蓮

送陳七還廣陵

風流誰代子雖有舊無雙歡酒言相送愁弦意不  
 降落花馥河道垂楊拂水牕海潮與春夢朝夕廣  
 陵江

賀朝

會稽人與萬齊融包融于休  
 烈齊名國秀集云會稽尉

詩紀

南山

一作賀朝清詩

湖北雨初晴  
湖南山盡見  
巖巖石帆影  
如得海風  
便仙穴  
茅山峯彩雲  
時一見  
邀君共  
揆此異錄  
殘幾卷

孤興

晴日煖珠箔  
天桃色正新  
紅粉青鏡中  
娟娟可憐  
嘖君子在遐  
險蕙心誰見  
珍羅幕空掩  
晝玉顏晴  
移春江  
瑟語幽獨再  
三情未申  
黃鵠千里翅  
芳音遲所因

從軍行

朔胡乘月寇  
邊城軍書插  
羽刺中京  
天子金壇拜  
飛將單于玉  
塞振佳兵  
騎射先鳴  
推任俠龍韜  
決勝佇時英  
聞有河湟客  
情情理帷  
帟常山啓  
霸圖汜水先  
天策銜珠浴  
鐵向桑乾  
纓旗膏劔  
指烏丸鳴雞  
已報關山  
曉來鴈遙  
傳沙塞寒  
直爲甘心  
從苦節隴頭  
流水鳴鳴  
咽邊樹蕭  
蕭不覺春  
天山漠漠  
長飛雪魚  
麗陣接塞  
雲平鴈翼  
營通海月  
明始看晉  
幕飛鵝入  
旋聞齊壘  
啼烏聲自  
從一戍燕  
支

山春光幾度晉陽關金河未轉青絲騎玉筋應啼  
紅粉顏鴻歸燕相續池邊芳草綠已見氛清細柳  
營莫更春歌落梅曲烽沈竈滅靜邊亭海宴山空  
肅已寧行望鳳京旋凱捷重來麟閣畫丹青

宿香山閣

一作賈彦璋詩

暝望

一作

春山閣梯雲宿半空軒牕閉潮海枕席

拂煙虹朱網防棲鴿紗燈護夕蟲一聞雞唱曉已  
見日曛曛

贈酒店胡妃

胡妃春酒店絃管夜鏘鏘紅毬鋪新月貂裘坐薄  
霜玉盤初膾鯉金鼎正烹羊上客無勞散聽歌樂  
世娘

張若虛

開元初人與賀知章張旭號吳中四士

春江花月夜

春江潮水連海平海上明月共潮生灩灩隨波千

萬里

一作頃

何處

一本作處

春江無

一本作同

月明江流宛

轉遶芳甸月照花林皆似霰空裏流霜不覺飛汀  
上白沙看不見江天一色無纖塵皎皎空中孤月

輪江畔何人初見月江月何年初照人人生代代  
 無窮已江月年年祗相似不知江月待何人但見  
 長江送流水白雲一片去悠悠青楓浦上不勝愁  
 誰家今夜扁舟子何處相思明月樓可憐樓上月  
 徘徊應照離人妝一作鏡臺玉一作戶簾中卷不  
 去擣衣砧上拂還來此時相望不相聞願逐月華  
 流照君鴻鴈長飛光不度魚龍潛躍水成文昨夜  
 閑潭夢落花可憐春半不還家江水流春去欲盡  
 江潭落月復西斜斜月沈沈藏海霧碣石瀟湘無

限路不知乘月幾人歸落月搖情滿江樹

代答閨夢還

關塞年華早樓臺別望違試衫着煖氣開鏡覓春  
 暉燕入窺羅幙蜂來上畫衣情催桃李豔心寄管  
 絃飛妝洗朝相待風花暝不歸夢魂何處入寂寂  
 掩重扉

包融

延陵人開元初與賀知章張旭劉昫虛皆有名號吳中四士官至大理司直○殷璠

云融詩情幽語奇頗多剪刻

阮公嘯臺

荒臺森荆杞蒙龍無上路傳是古人跡阮公長嘯  
處至今來清風一作清風來時時動林樹逝者昔已遠  
升攀想遺趣靜然荒榛間久之若有悟靈光未歇  
滅千載知仰慕

登翅頭山題儼公石壁

晨登翅頭山山曛黃霧起却瞻迷向背直下失城  
市暎日銜東郊朝光生邑里掃除諸煙氛照出衆  
樓雉青爲洞庭山白是太湖水蒼茫遠郊樹倏忽  
不相似萬象以區別森然共盈几坐令開心胃漸

覺落塵滓北巖千餘仞結廬誰家子願陪中峯遊  
朝暮白雲裏

送國子張主簿

湖岸纜初解鶯啼別離處遙見舟中人時時一廻  
顧坐悲芳歲晚花落青軒樹春夢隨我心搖揚逐  
君去

酬忠公林亭

江外有真隱寂居歲已侵結廬近西術種樹久成  
陰人迹乍及戶車聲遙隔林自言解塵事咫尺能

言終  
風唐卷之三  
六  
韜沈爲道豈廬霍會靜由吾心方秋院木落仰望  
日蕭森持我興來趣采菊行相尋塵念到門盡遠  
情對君深一談入理窟再索破幽襟安得山中信  
致書移尚禽

和陳校書省中翫雪

芸閣朝來雪飄颻正滿空  
寒開明月下校理落花  
中色向懷鉛白光因翰簡  
融能令草玄者迴思入  
流風

和崔會稽詠王兵曹廳前湧泉勢成中字

茂德來徵應流泉入詠歌  
含靈符上善作字表中  
和有草恒垂露無風欲偃波  
爲看人共水清白定  
誰多

賦得岸花臨水發

笑笑傍谿花叢叢逐岸斜  
朝開川上日夜發浦中  
霞照灼如臨鏡芊茸勝浣紗  
春來武陵道幾樹落  
仙家

劉脊虛

江東人爲夏縣令與賀知章包融張旭  
號吳中四士明皇雜錄云天寶中劉脊  
虛輩雖有文章盛名流落不偶。殷璠云脊  
虛詩情幽興遠思苦語奇忽有所得便驚衆

言糸  
聽頃東南高唱者數人然聲律婉態無出其  
右唯氣骨不逮諸公自永明已還可傑立江  
表惜其不永天  
年隕碎國寶

### 江南曲

美人何蕩漾湖上風日長玉手欲有贈徘徊雙明  
璫歌聲隨綠水怨色起青一作春陽日暮還家望雲  
波橫洞房

### 九日送人

海上正搖落客中還別離同舟去未已遠送新相  
知流水意何極滿尊徒爾爲從來菊花節早已醉

### 東籬

#### 暮秋楊子江寄孟浩然

木葉紛紛下東南日煙霜林山相晚暮天海空青  
蒼暝色况復久秋聲亦何長孤舟兼微月獨夜仍  
越鄉寒笛對京口故人在襄陽詠思勞今夕江漢  
遙相望

#### 潯陽陶氏別業

陶家習先隱種柳長江邊朝夕潯陽郭白衣來幾  
年霽雲明孤嶺秋水澄寒天物象自清曠野情何



詩經 廬山卷之三  
縣聯蕭蕭丘中賞明宰非徒然願守黍稷稅歸耕  
東山田

登廬山峯頂寺

孤峯臨萬象秋氣何高天際南郡出林端西江  
明山門二緇叟振錫聞幽聲心照有無界業懸前  
後生雖一作徒知真機靜尚與愛網并方首金門路  
未遑參道情

尋東谿還湖中作

出山更回首日暮清谿深東嶺新別處數猿叫空

林昔遊有初迹此路還獨尋幽興方在往歸懷復  
爲今雲峯勞前意湖水成遠心理望望已超越坐鳴  
舟中琴

送韓平兼寄郭微

上客夜相過小童能酤酒卽爲臨水處正值歸鴈  
後前路望鄉山一作關近家見門柳到時春未暮風  
景自應有余憶東州一作周人經年別來久殷勤爲

傳語日夕念攜手兼問前寄書書中復達否

寄閻防

防時在終南  
豐德寺讀書

青冥南山口君與緇錫鄰深路入古寺亂花隨暮  
春紛紛對寂寞往往落衣巾松色空照水經聲時  
有人晚心復南望山遠情獨親應以修往業亦惟  
立此身深林度空夜煙月資清真莫歎一作文明  
日彌年徒隱淪

海上詩送薛文學歸海東

何處歸且遠送君東悠悠滄溟千萬里日夜一孤  
舟曠望絕國所微茫天際愁有時近仙境不定若  
夢遊或見青色古孤山百里秋前心方杳眇後路  
勞夷猶離別惜吾道風波敬皇休春浮花氣遠思  
逐海水流日暮驪歌後永懷空滄洲

越中問海客

風雨滄洲暮一帆今始歸自云發南海萬里速如  
飛初謂落何處永將無所依冥茫漸西見山色越  
中微誰念去時遠人經此路稀泊舟悲且泣使我  
亦霑衣浮海焉用說憶鄉難久違縱爲魯連子山  
路有柴扉

送東林廉上人還廬山

一作王昌齡詩

石谿流已亂苔逕入漸微日暮東林下山僧還獨  
歸常爲爐峯意况與遠公違道性深寂寞世情多  
是非會尋名山去豈復無清機

闕題

道由白雲盡春與青谿長時有落花至遠隨流水  
香閑門向山路深柳讀書堂幽映每白日清輝照  
衣裳

寄江滔求孟六遺文

南望襄陽路思君情轉親偏知漢水廣應與孟家

鄰在日貪爲善昨來聞更貧相如有遺草一爲問  
家人

積雪爲小山

飛雪伴春還春庭曉自閑虛心應任道遇賞遂成  
山峯小形全秀巖虛勢莫攀以幽能皎潔謂近可  
循環孤影臨冰鏡寒光對玉顏不隨遲日盡畱顧  
歲華間

蔡希周

曲阿人與包融同時官至監察御史  
殷璠云希周詞彩明媚殊得風規

奉和扈從溫泉宮承恩賜浴

天行雲從指驪宮浴日餘波錫詔同綵殿氤氳擁  
 香溜紗牕宛轉閉和一作春風來將蘭氣衝皇澤去  
 引星辰捧碧空自憐遇坎便能止願託仙槎路未  
 通

蔡希寂

曲河人為渭南尉。殷璠云：希寂詞句清迥，情理縣密。

同家兄題渭南王公別業

好閑知在家退跡何必深不出人境外蕭條江海  
 心軒車自來往空名一作石對清陰川涘將釣玉鄉  
 亭期散金素暉射流瀨翠色縣森林曾為詩書癖

寧惟耕稼任吾兄許微尚枉道來相尋朝慶老萊  
 服夕閑安道琴文章遙頌美寤寐增所欽既鬱蒼  
 生望明時豈陸沈

登福先寺上方然公禪室

名都標佛刹萬構臨河干舉目上方峻森森青翠  
 攢步登諸劫盡忽造浮雲端當暑敞扃闥却嫌絺  
 綌寒禪房最高頂靜者殊閑安踈雨向空城數峯  
 簾外盤午鐘振衣坐招我同一餐真味雜飴露衆  
 香唯蒹蘭晚來恣偃俛茶果仍畱歡

言  
卷之三

陝中作

西別秦關近東行陝服長川原餘讓畔歌吹憶遺  
棠河水流城下山雲起路傍更憐棲泊處池館繞  
林篁

洛陽客舍逢祖詠留宴

縣縣鐘漏洛陽城客舍貧居絕送迎逢君貰酒因  
成醉醉後焉知世上情

贈張敬微敬一作鏡

大河東北望桃林雜樹冥冥結翠陰不知君作神

仙尉特訝行來雲霧深

闕題見吟牕雜錄

象筵列幽白幽偈清心曾闕

詩已  
盛唐卷之三  
三

盛唐第三

盛唐第四

唐詩紀六十四

鄆郡吳瑄彙編

東吳俞策同校

張子容

先天二年進士為樂城尉與孟浩然友善

春江花月夜二首

林花發岸口氣色動江新此夜江中月流光花上

春分明石潭裏宜照浣紗人

交甫憐瑤珮仙妃難重期沈沈綠江晚惆悵碧雲

姿初逢花上月言是弄珠時

雲陽驛陪使君邵道士夜宴

一尉東南遠誰知此夜歡諸侯傾皂蓋仙客整黃冠  
染翰燈花滿飛觴雲氣寒欣承國士遇更借美人看

除夜樂城逢孟浩然

遠客襄陽郡來過海岸家樽開柏葉酒燈發九枝花  
妙曲逢盧女高才得孟嘉東山行樂意非是競繁華

送蘇倩遊天台

靈異尋滄海笙歌訪翠微水鷗迎共一作狎雲鶴  
待將飛琪樹嘗仙果瓊樓試羽衣遙知神女問獨  
恠阮郎歸

泛永嘉江日暮迴舟

無雲天欲暮輕一作轉鷓大江清歸路煙中遠迴舟  
月上行傍潭窺竹暗出嶼見沙明更值微風起乘  
流絲管聲

永嘉卽事寄贛縣袁少府瓘

山繞樓臺出谿通里閤斜曾爲謝客郡多有逐臣

家海氣朝成雨江天晚作霞題書報賈誼此濕似  
長沙

樂城歲日贈孟浩然

一作王維詩

土地窮甌越風光肇建寅  
插桃銷瘴癘移竹近堦  
墀半是吳風俗仍爲楚歲時  
更逢習鑿齒言在漢  
川湄

永嘉作

拙宦從江左投荒更海邊  
山將孤嶼近水共惡谿  
連地濕梅多雨潭蒸竹起煙  
未應悲晚髮炎瘴苦

華年

送孟浩然歸襄陽

東越相逢地西亭送別津  
風濤看解纜雲一作海

去愁人鄉在桃林岸山江一作連楓樹春因懷故園

意歸與孟家鄰

貶樂城尉日作

竄謫邊窮海川原近惡谿  
有時聞虎嘯無夜不猿  
啼地煖花長發巖高日易低  
故鄉可憶處遙指斗  
牛西



自樂城赴永嘉枉路泛白湖寄松陽李少

府

西行礙淺石北轉入谿橋樹色煙輕重湖光風動  
搖百花亂飛雪萬嶺疊青霄猿掛臨潭篠鷗迎出  
浦橈惟應賞心客茲路不言遙

九日陪潤州邵使君登北固山

五馬向西椒重陽坐麗譙徐州帶綠水楚國在青  
霄張幕連江樹開筵接海潮凌雲詞客語迴雪舞  
人嬌一作梅福慙仙吏羊公賞下僚新豐酒舊美

况是菊花朝

璧池望秋月

涼夜窺清沼池空水月秋滿輪沈玉鏡半魄落銀  
鈎蟾影搖輕浪菱花渡淺流漏移光漸潔雲歛色  
偏浮似璧悲三獻疑珠怯再投能持千里意來照  
楚鄉愁

長安早春

又作孟浩然詩

開國維

一作移

東井城池起

一作對

北辰咸歌太平日

共樂建寅春雪盡黃

一作青

山樹冰開黑水津

一作濱

草迎金埒馬花伴一作醉玉樓人鴻漸看無數鶯歌

一作聲聽欲頻何當桂枝擢還及柳條新

贈司勳蕭郎中

作相開黃閣為郎奏赤墀君臣道合體父子貴同  
時國以推賢荅家無內舉疑鳳池真水鏡蘭省得  
華滋未覩風流日先聞新一作所賦詩江山清謝眺  
花木媚丘遲吏部來何暮王言念在茲丹青無不  
可霖雨亦相期昔我投荒處孤煙望島夷羣鷗終  
日狎落葉數年悲漁父畱歌詠江妃入興詞今將

獻知己相感勿吾欺

巫山

巫嶺岩堯天際重佳期宿昔願相從朝雲暮雨連

天暗神女知來第幾峯

盧鴻

新唐書云字顯然其先范陽人徙洛陽博學善善善播盧嵩山開元初徵至東都謁見

不拜宰相遣問狀荅曰禮者忠信之薄臣敢以忠信見召升內殿拜諫議大夫固辭詔許還山歲給米絹又賜隱居服官營草堂恩禮殊渥○舊唐書作盧鴻一

嵩山十志十首

并序

草堂

草堂者蓋因自然之谿阜前當壙洫資人力之  
締構後加茅茨將以避燥濕成棟宇之用昭簡  
易叶乾坤之德道可容膝休閒谷神同道此其  
所貴也及靡者居之則妄爲剪飾失天理矣詞  
曰  
山爲宅兮草爲堂芝蘭兮葯房羅薜蕪兮拍薜荔  
荃壁兮蘭砌薜蕪薜荔兮成草堂陰陰邃兮馥馥  
香中有人兮信宜常讀金書兮飲玉漿童顏幽操  
兮不易長

倒景臺

倒景臺者蓋太室南麓天門右崖傑峯如臺氣  
凌倒景登路有二處可憩或曰三休臺可以邀  
馭風之客會絕塵之子超逸真盪遐襟此其所  
絕也及世人登焉則魂散神越目極心傷矣詞  
曰

天門豁兮僊臺聳傑屹崒兮零瀕湧窮三休兮曠  
一觀忽若登崑崙兮中期汗漫僊聳天開兮倒景  
臺鯨顛氣兮軼囂埃皎皎之子兮自獨立雲可朋

今赧可吸曾何榮辱之所及

越館

越館者蓋卽林取材基顛柘架茅茨居不期逸  
為不至勞清談娛賓斯為尚矣及盪者鄙其隘  
聞苟事宏洎乖其賓矣詞曰

紫巖隈兮青磨側雲松煙蕙兮千古色芳藿靡兮  
蔭蒙龍幽人構館兮在其中藿靡蒙龍兮開越館  
卧風霄兮坐赧一作楮旦粵有賓兮時戾止樵蘇不  
爨兮清談已永歲終朝兮常若此

枕煙庭

枕煙庭者蓋特峯秀起意若枕煙祕庭凝虛宵  
若仙會卽楊雄所謂爰靜神游之庭是也可以  
超絕紛世永潔精神矣及機士登焉則寥閔懔  
恍愁懷情累矣詞曰

臨泱泱兮背青熒吐雲煙兮合宵冥恍歛翁兮杳  
幽靄意縹緲兮羣仙會宵冥僊會兮枕煙庭竦魂  
形兮凝視聽聞夫至誠必感兮祈此巔契一作顯  
氣養丹田終彷彿兮覲靈僊

雲錦淙

雲錦淙者蓋激溜衝攢傾石叢倚鳴湍疊濯噴  
 若雷風詭輝分麗煥若雲錦可以瑩發靈矚幽  
 翫忘歸及匪士觀之則反曰寒泉傷玉趾矣詞  
 曰

水攢衝兮石叢聳煥雲錦兮噴洶湧苔駁犖兮草  
 質緣芳纂纂兮瀨濺濺石攢叢兮雲錦淙波連珠  
 兮文沓絳有潔冥員一作者媚此幽漱靈液兮樂天  
 休實獲我心兮夫何求

期仙磴

期仙磴者蓋危磴穹窿迴接雲路靈仙髣髴若  
 可期及儒者毀所不見則黜之蓋疑冰之談信  
 矣詞曰

霏微陰壑兮氣騰虹迤邐危磴兮上凌空青霞杪  
 兮紫雲垂鸞歌鳳舞兮吹參差鸞歌鳳舞兮期仙  
 磴鴻駕迎兮瑤華贈山中人兮好神仙想像聞此  
 兮欲升煙鑄月煉液兮竚還年

滌煩磯

言終  
卷之四  
滌煩磯者蓋窮谷峻崖發地盤石飛流攢激積  
漱成渠澡性滌煩迴有幽致可爲智者說難爲  
俗人言詞曰

靈磯盤礴兮溜奔錯漱冷風兮鎮冥壑研苔滋兮  
泉珠潔一飲一憩兮氣想滅磷連清淬兮滌煩磯  
靈仙境兮仁智歸中有琴兮徽以玉峨峨湯湯兮  
彈此曲寄聲知音兮同所欲

### 纂翠庭

纂翠庭者蓋崖巘積陰林蘿杳翠其上懸纂其

下深湛可以王神可以冥道矣及喧者遊之則  
酣譁永日汨清薄厚詞曰

青崖陰兮月磻曲重幽疊邃兮隱淪躅草拊懸纂  
兮翠蒙籠當其無兮庭在中當無有用兮纂翠庭  
神可谷兮道可冥有幽人兮張素琴皇徽兮綠水  
陰德之愔兮澹多心

### 洞元室

洞元室者蓋因巖作室卽理談玄室返自然元  
斯洞矣及邪者居之則假容竊次妄作虛誕竟

以盜言詞曰

嵐氣肅兮巖翠冥空陰虛兮戶芳迎披蕙帳兮促  
蘿筵談空空兮覈元元蕙帳蘿筵兮洞元室祕而  
幽兮真可吉返自然兮道可冥澤妙思兮草玄經  
結幽門兮在黃庭

金碧潭

金碧潭者蓋水潔石鮮光涵金碧巖葩林蔦有  
助芳陰鑒洞虛 道斯勝矣而世生纏乎利害  
則未暇遊之詞曰

水碧色兮石金光灩熠熠兮澗湟湟泉葩映兮煙  
蔦臨紅灼灼翠陰陰翠相鮮兮金碧潭霜天洞兮  
煙景涵有幽人兮好冥絕炳其煥兮凝其潔悠悠  
千古兮長不滅

李適之

本傳云一名昌恒山王承乾之孫神龍  
初拜左衛郎開元中歷官至刑部尚書  
雅好賓客飲酒一斗不亂天寶中為左相累  
封清和縣公與李林甫不叶為其陰中罷知  
政事坐事貶宜  
春太守仰藥死

朝退

朱門長不閉親友恣相過年今將半百不樂復一作

待如何

罷相作

本傳云適之為李林甫所構懼不自安乃上  
宰相求散職以太子少保罷欣然自以為免  
禍○本事云開元中宰相李適之踈直坦夷  
時譽甚美李林甫惡之排誣罷免朝客雖知  
無罪謁問甚稀適之意憤日飲醇醪  
且為詩云云林甫愈怒終遂不免

避賢初罷相樂聖且銜杯借

為一作

問門前客今朝

幾箇來

李愷

忠義傳云太原人以明經舉開元中為監  
察御史給事中天寶中轉光祿卿東京留  
守遷禮部尚書安祿山  
陷都城遇害諡曰忠懿

和戶部楊員外伯成寓直

按韋韜傳有戶  
部郎中楊伯成

落日彌綸地公才畫省郎詞驚起草筆坐引護衣

香雙闕天河近千門夕漏長遙知臺上宿不獨有

文強

同望幸新亭賜錢公宴

感夢通玄化覃恩降紫宸賜錢開漢府分帛醉堯

人地隔朝宗慶亭臨卜洛新行看廣雲雨二月次

東巡

奉和聖製從蓬萊向興慶閣道中留春雨

詩已

盛唐詩卷之四

十一



中春望之作應制

別館春還淑氣催  
三宮路轉鳳凰臺  
雲飛北闕輕陰散  
雨歇南山積翠來  
御柳遙隨天仗發  
林花不待曉風開  
已知聖澤深無限  
更喜年芳入睿才

蕭華

徐國公嵩子開元中為給事中天寶末累轉兵部侍郎上元初拜中書侍郎平章事後貶陝州司馬卒見父嵩傳

扈從迴鑾應制

粵在一作自秦京日議乎  
封禪難豈知陶唐主道濟  
蒼生安惟彼烈祖事  
增修寔榮觀聲名朝萬國  
玉

帛禮三壇纂聖德  
重光建元功載刊仍開一作舊

馳道不記昔迴鑾  
羽衛一作騎搖晴日  
弓戈生早寒

猶思檢玉處却望白雲端

崔宗之

名成輔以字行齊國公日用之子少襲父爵好學寬博有風舉韓朝宗薦之于朝開元中歷左司郎中侍御史後謫金陵與李白詩酒倡和

贈李十二白

涼風八月白露空  
園庭耿耿意不暢  
捎捎一作稍稍

風葉聲思見雄俊士  
共話今古情李侯忽來儀  
把袂苦不早清論既抵掌  
玄談又絕倒分明楚漢事

歷歷王霸道擔囊無俗物訪古千里餘袖有七首  
劍懷中茂陵書雙眸光照人詞賦凌子虛酌酒弦  
素琴霜氣正凝潔平生心中事今日爲君說我家  
有別業寄在嵩之陽明月出高岑清谿澄素光雲  
散牕戶靜風吹松桂香子若同斯遊千載不相忘

陳希烈

姦臣傳云宋州人開元中累遷集賢院  
學士兼崇文館大學士李林甫引與共  
政遷左丞相封許國公林甫居位久亦希  
烈左右焉祿山亂相賊肅宗立賜死于家

賦得雲生棟梁間

一片蒼梧意氛氲生棟梁下簾山足暗開戶日添

光偏使衣裘潤能令枕簟涼無心伴行雨何必夢  
荆王

奉和聖製三月三日

上巳迂龍駕中流泛羽觴酒因朝太子詩爲樂賢  
王錦纜方舟渡瓊筵太樂張風搖垂柳色花發異  
林香野老歌無事一作無朝臣飲歲芳皇情被羣  
物中外洽恩光

省試白雲起封中

千年泰山頂雲起漢王封不作奇峯狀寧分觸石

容為霖雖易得表聖自難逢冉冉排空上依依疊  
影重素光非曳練靈貺是從龍豈學無心出東西  
任所從

崔惠童

紀事云尚明  
皇晉國公主

宴城東莊

一月人生

一作主人

笑幾回相逢相識

一作值

且銜杯眼

看春色如流水今日殘花昨日開

崔敏童

紀事云惠  
童兄也

宴城東莊

一年始有一年春百歲曾無百歲人能向花中幾

回醉十千沽酒莫辭貧

一作頻

李休烈

開元中為  
洛陽尉

毀天樞

唐新語云長壽三年則天徵天下銅五十餘  
萬勛鐵一百三十萬餘勛於定鼎門內鑄八  
稜銅柱紀革命之功開元中詔毀天樞發卒  
鎔鑠彌月不盡休烈賦詩以詠之云云先有  
訛言云一條麻線挽天樞言其不經  
久也故休烈詩及之士庶莫不飄詠

天門街上倒天樞火急先須卸火珠計合一條麻  
線挽何勞兩縣索人夫

高力士

宦者傳云馮盎曾孫中人高延福養為子故冒其姓為宮闈承玄宗在藩力士傾心附結先天中知內省事從帝幸蜀封齊國公肅宗立除籍長流巫州寶應元年赦還見二帝遺詔北向哭嘔血卒

感巫州薺菜

紀事云力士謫巫州山多薺不食因感之作詩寄意云

兩京作勛賣五谿無人采夷夏雖有殊氣味終不

改一作固常在

盛唐第四

盛唐第五

唐詩紀六十五

鄆郡吳瑄彙編

東吳俞策同校

儲光羲

兖州人一云潤州人開元中進士詔中書試文章歷監察御史祿山反陷賊自歸有集七十卷○殷璠云儲公詩格高調逸趣遠情深削盡常言挾風騷之迹得浩然之氣璠嘗觀公正論十五卷九經外義疏二十卷言博理當實可謂經國之大才又云光羲詩宏瞻縱逸務在直置○樂城遺言云儲詩高處似陶淵明平處似王摩詰

五言古詩

野田黃雀行

詩已

盛唐卷之三

嘖嘖野田雀不知軀體微閑穿深叢一作裏爭食  
復爭飛窮老一積舍棗多桑樹稀無棗猶可一作亦何  
食無桑何以衣蕭條空倉暮相引時來歸斜路豈  
不捷渚田豈不肥水長路且壞惻惻與心違

樵父詞

山北饒朽木山南多枯枝枯枝作采薪爨室私自  
知詰朝礪斧尋視暮行歌歸先雪隱薜荔迎暄卧  
茅茨清澗日濯足喬林時曝衣終年登險阻不復  
憂安危蕩漾與神遊莫知是與非

漁父詞

潭魚好鳴水谿魚好上流漁梁不得意下渚潛垂  
鈎亂荇時礙楫新蘆復隱舟靜言念終始安坐看  
沈浮素髮隨風揚遠心與雲遊逆浪還極浦信潮  
下滄洲非為狗行役所樂在行休

牧童詞

不言牧田遠不道牧陂深所念牛馴擾不亂牧童  
心圓笠覆我首長策披我襟方將憂暑雨亦以懼  
寒陰大牛隱層坂小牛穿近林同類相鼓舞觸物

成謳吟取樂須臾間寧問聲與音

采蓮詞

淺渚荇花繁深潭芰葉踈獨往方自得恥邀淇上  
姝廣江無術阡大澤絕方隅浪中海童語流下鮫  
人居春荻時隱舟新萍復滿湖采采乘日養不思  
賢與愚

采菱詞

濁水菱葉肥清水菱葉鮮義不遊濁水志士多苦  
言潮沒具區藪潦深雲夢田朝隨北風去暮逐南

風旋浦口多漁家相與邀我船飯稻以終日羹蓴  
將永年方冬水物窮又欲休山樊盡室相隨從所  
貴無憂患

射雉詞

曝暄理新翳迎春射鳴雉原田遙一色臯陸曠千  
里遙聞咿喔聲時見雙飛起幕塵踈蒿下韜韞深  
麥裏顧敵乃忘生爭雄方決死仁心貴勇義豈復  
能傷此超遙下故墟迢遞回高時大夫昔何苦取  
笑歡妻子

猛虎詞

寒亦不憂雪饑亦不食人人肉豈不甘所惡傷明  
神太室爲我宅孟門爲我鄰百獸爲我膳五龍爲  
我賓蒙一作馬一何威浮江一以仁彩章耀朝日  
爪牙雄武臣高雲逐氣浮厚地隨聲震君能賈餘  
勇日夕長相親

昇天行貽盧六健

真人居閬風時奏清商音聽者卽王母泠泠和瑟  
琴坐對三花枝行隨五雲陰天長崑崙小日又蓬

萊深上由玉華宮下視首陽岑神州亦清淨要自  
有浮沈惻惻苦哉行呱呱遊子吟廬山逢若士思  
欲化黃金雨雪沒太山誰能無歸心逍遙在雲漢  
可以來相尋

效古二首

晨登涼風臺暮走邯鄲道曜靈何赫烈四野無青  
草火軍北集燕天子西居鎬婦人役州縣丁男事  
征討老幼相別離哭泣無昏早稼穡旣殄絕川澤  
復枯槁曠哉遠此憂冥冥商山皓

東風吹大河河水如倒流河洲塵沙起有若黃雲  
浮頰霞燒廣澤洪曜赫高丘野老泣相語無地可  
蔭休翰林有客卿獨負蒼生憂中夜起躑躅思欲  
獻厥謀君門峻且深踈足空夷猶

雜詩二首

混沌

一作  
渾坯

本無象末路多是非達士志寥廓所在

能忘機耕鑿時未至還山聊采薇虎豹對我蹲鸞  
鷲傍我飛仙人空中來謂我勿復歸格澤爲君駕  
雲一作  
虹霓爲君衣西遊崑崙墟可與世人違

秋氣

一作  
風

肅天地太行高崔嵬猿狖

一作  
馳

清夜吟

其聲一何哀寂寥掩圭華夢寐遊蓬萊琪樹遠亭

亭玉堂雲中開洪崖吹簫管玉

一作  
素

女飄飄來雨

師旣先後

一作  
洗道

道

一作  
後

路無纖埃鄙哉楚襄王獨

如雲陽臺

一作  
獨好

述韋昭應畫犀牛

遐方獻文犀萬里隨南金大邦柔遠人以之居山  
林食棘無秋冬絕流無淺深雙角前靳靳三蹄下  
駸駸朝賢壯其容未能辨其音有我哀烏一作  
哀鳳郎

詩紀

盛唐卷之五

五



新邑長鳴琴陛閣飛嘉聲丘甸盈仁心閑居命國  
工作繪北堂陰眈眈若有神庶比來儀禽昔有舞  
天庭爲君奏龍吟

述華清宮五首

天寶六年冬十月皇帝如  
驪山溫泉宮名其宮曰華

清

上在蓬萊宮莫若居華清朝朝禮玄閣日日聞體  
輕大聖不私已精禋爲羣氓  
上出蓬萊時六龍儼齊首長道舒羽儀彤雲映前  
後天聲殷宇宙真氣到林藪

昔在軒轅朝五城十二樓今我神泉宮獨在驪山  
陬羣芳趨順動百辟隨天遊

正月開陽和通門緝元化穆穆睟容歸豈爲明燈  
夜高山大風起肅肅隨龍駕  
上林神君宮此地卽明庭山開鴻濛色天轉招搖  
星三雪報大有孰謂非我靈

雜詠五首

石子松

盤石青巖下松生盤石中冬春無異色朝暮有清

詩紀 盛唐卷之五  
風五臘何人采西山舊兩童

駕簷藤

得從軒墀下如勝松柏林生枝逐架遠吐葉向門  
深何許荅君子簷間朝暝陰

池邊鶴

舞鶴傍池邊水清毛羽鮮立如依岸雪飛似向池  
泉江海雖言曠無如君子前

釣魚灣

垂釣綠灣春春深杏花亂潭清疑水淺荷動如魚

散日暮待情人維舟綠楊岸

幽人居

幽人下山徑去去夾青林滑處莓苔濕暗中蘿薜  
深春朝煙雨散猶帶浮雲陰

題太玄觀

門外車馬喧門裏宮殿清行卽翳若木坐卽吹玉  
笙所喧旣非我真道其冥冥

至嵩陽觀卽天皇故宮

真人上清室乃在中峯前花霧生玉井霓裳畫列

言終  
仙念茲宮故宇多此地新泉松柏有清陰薜蘿亦  
自妍一聞步虛子又話逍遙篇忽若在雲漢風中  
意泠然

貽韋鍊師

精思莫知日意靜如空虛三鳥自來去九光遙卷  
舒新池近天井玉宇停雲車余亦苦山路洗心祈  
道書

獻八舅東歸

高位莫能捨捨之世所賢雲車遊日華豈比龍樓

前寢席乃就枕情感惟靈仙帝鴻師道宗臣彭亦  
長年天書加羽服又許歸東川鏡水涵太清禹山  
朝上玄誠亡真混沌玉立方嬋娟素業作仙居子  
孫當自傳門多松柏樹篋有逍遙篇獨往不可羣  
滄海成桑田

喫茗粥作

當晝暑氣盛鳥雀靜不飛念君高梧陰復解山中  
衣數片遠雲度曾不蔽炎暉淹留膳茶粥共我飯  
蕨薇敞廬旣不遠日暮徐徐歸

泛茅山東谿

清晨登仙峯峯遠行未極江海霽初景草木含新  
色而我任天和此時聊動息望鄉白雲裏發棹清  
谿側松柏生深山無心自貞直

游茅山五首

十年別鄉縣西去入皇州此意在觀國不言空遠  
遊九衢平若水利往無輕舟北洛反初路東江還  
故丘春山多秀木碧澗盡清流不見子桑扈當從  
方外求

世業傳儒行行成非不榮其如懷獨善况以聞長  
生家近華陽洞早年深此情巾車雲路入理棹瑤  
谿行天地朝光滿江山春色明王廷有軒冕此日  
方知輕

平生非作者望古懷清芬心以道爲際行將時不  
羣茲山在人境靈貺久傳聞遠勢一峯出近形千  
嶂分冬春有茂草朝暮多鮮雲此去亦何極但言  
西日曛

昔賢居柱下今我去人間良以直心曠兼之外視

閑垂綸非釣國好學與希顏落日登高嶼悠然望  
遠山谿流碧水去雲帶清陰還想見中林士巖扉  
長不關

名嶽徵仙事清都訪道書山門入松柏天路涵空  
虛南極見朝采西潭聞夜漁遠心尚雲宿浪跡出  
林居為已存實際忘形同化初此行良已矣不樂  
復何如

述降聖觀

一山盡天苑一峯開道宮道花飛羽衛天鳥遊雲

空玉殿俯玄水春旗搖素風夾門小松柏覆井新  
梧桐自昔太仙下乃知元化功神皇作桂館此意  
與天通

題眇上人禪居

真王清淨子燕居復行心結宇隣居邑寤言非遠  
尋丹青丈室滿草樹一庭深秀色玄冬發交枝白  
日陰江流映朱戶山鳥鳴香林獨住已寂寂安知  
浮與沈

過新豐道中

一十八年  
有詔種學

西下長樂坂東入新豐道雨多車馬稀道上生秋  
草太陰蔽臯陸莫知晚與早雷雨杳冥冥川谷漫  
浩浩詔書植嘉木衆言桃李好自愧一作顧無此容  
歸從漢陰老

夜到洛口入黃河

河洲多青草朝暮增客愁客愁惜朝暮枉渚暫一作  
聊停舟中宵大川靜解纜逐歸流浦淑旣清曠沿  
洄非阻脩登艫望落月擊楫一作汰悲新秋倘遇乘  
槎客永言星漢遊

使過彈箏峽作

鳥雀知天雪羣飛復羣鳴原田無遺粟日暮滿空  
城達士憂世務鄙夫念王程晨過彈箏峽馬足凌  
兢行雙壁隱靈曜莫能知晦明皚皚堅冰白漫漫  
陰雲平始信古人言苦節不可貞

泊舟貽潘少府

時潘在後浦

行子苦風潮維舟未能發宵分卷前幔卧視清秋  
月四澤葭葦深中洲煙火絕蒼蒼水霧起落落踈  
星沒所遇盡漁商與言多楚越其如念極浦又以

詩經 盛唐卷之五  
思明哲常若千里餘况之異鄉別

仲夏入園中東陂

方塘深且廣伊昔俯吾廬環岸垂綠柳盈潭發紅  
藻上延北原秀下屬幽人居暑雨若混沌晴明如  
空虛此鄉多隱逸水陸見樵漁廢賞亦何貴爲歡  
良易攄且言重觀國當此賦歸歟

山居貽裴十二迪

落葉滿山砌蒼煙埋竹扉遠懷青冥士書劍常相  
依霜卧眇茲地琴言紛已違衡陽今萬里南鴈將

何歸出徑惜松引入舟憐釣磯西林有明月夜久  
空微微

秦中歲晏馬舍人宅宴集

冬暮又無樂西行至長安故人處東第清夜多新  
歡廣庭竹陰靜華池月色寒知音盡詞客方見交  
情難

薦玄德公廟

神道本無已成化亦自然君居寥天上德在玉華  
泉真遊踐王豫永日遲雲仙表微在營道明祀將

言終  
盛唐卷之五  
三  
祈年靈山俯新邑松上生彩煙豈知穆天子遠去  
瑤池邊

上長史王公責躬

覆舟無伯夷覆居無仲尼自咎失明義寧由具錦  
詩松柏日已堅桃李日已滋顧已獨暗昧所居成  
疾藜大賢薦時文醜婦用蛾眉惕惕愧不已豈敢  
論其私方朔既有言子建亦有詩惻隱及先世析  
薪成自悲靈烏酬德輝黃雀報仁慈若公庶伏罪  
此事安能遲

至嶽寺卽大通大照禪塔上溫上人

秋山下映宮宮色宜朝陽迢遞在半嶺參差非一  
行燕息雲滿門出遊花隱房二尊此成道禪宇遙  
相望鳳鐸天中鳴巖梯松下長山墟響信鼓蘅薄  
生蕙香起滅一以雪徃來亦誠亡悲哉門弟子要  
自知心長

終南幽居獻蘇侍郎三首

時拜太  
祝未上

暮春天氣和登嶺望層城朝日懸清景巍巍宮殿  
明聖君常臨朝達士復懸衡道近無良足歸來卧



言終  
盛唐卷之五  
山楹靈堦曝仙書深室鍊金英春巖松柏秀晨路  
鷓鷯鳴羽化既有言無然悲不成

中歲尚微道始知將谷神抗策還南山水木自相  
親深林開一道青嶂成四鄰平明去采薇日入行  
刈薪雲歸萬壑暗雪罷千巖春始看玄鳥來已見  
瑤華新寄言搴芳者無乃後時人

卜築青巖裏雲蘿四垂陰虛室若無人喬木自成  
林時有清風至側聞樵采音鳳皇鳴南岡望望隔  
層岑既言山路遠復道谿流深倏佗空中遊虬龍

水間吟何當見輕翼爲我達遠心

題應聖觀

空中望小山山下見餘雪皎皎河漢女在茲養真  
骨登門駭天書啓籙問仙訣池光搖水霧燈色連  
松月合塼起花臺折草成玉節天鷄弄白羽王母  
垂玄髮北有上年宮一路在雲霓上心方嚮道時  
復朝金闕

至閑居精舍呈正上人

卽天仰  
故宮

太室三招提其趣皆不同不同非一趣况是天遊

言終  
盛唐卷之五  
一四  
宮雙嶺前夾門閣道復橫空寶坊若花積宛轉不  
可窮流泉自成池青松信饒風秋晏景氣迴晶明  
丹素功近將隱者鄰遠與西山通大師假慧照念  
以息微躬

酬綦母校書夢邪溪見贈之作

校文在仙掖每有滄洲心况以北窓下夢遊清溪  
陰春看湖水漫夜入迴塘深往往纜垂葛出舟望  
前林山人松下飯釣客蘆中吟小隱何足貴長年  
固可尋還車首東道惠言若黃金以我采薇意傳

之天姥岑

後五句一作勝遊在幽尋歷茲山水間  
泠然若鳴琴申章謝來意愧莫酬知音

田家卽事

蒲葉日已長荇花日已滋老農要看此貴不違天  
時迎晨起飯牛雙駕耕東菑蚯蚓土中出田烏隨  
我飛羣合亂啄噪嗷嗷如道饑我心多惻隱顧此  
兩傷悲撥食與田烏日暮空筐歸親戚更相誚我  
心終不移

同王十三維偶然作十首

仲夏日中時草木看欲焦田家惜功力把鋤來東

言終  
虛寥寥高柳三五株可以獨逍遙

北山種松柏南山種蒺藜出入雖同趣所尚各有  
宜孔丘貴仁義老氏好無爲我心若虛空此道將  
安施暫過伊闕間晚晚三伏時高閣入雲中芙蓉  
滿清池要自非我室還望南山陲

野老本貧賤冒雨鋤瓜田一畦未及終樹下高枕  
眠荷蓀者誰子皤皤來息肩不復問鄉墟相見但

依然腹中無一物高話羲皇年落日臨層隅逍遙

望晴川使婦提蠶筐呼兒榜漁船悠悠泛綠水去

摘浦中蓮蓮花豔且美妍一作妍使我不能還

浮雲在虛空隨風復卷舒我心方處順動作何憂  
虞但言嬰世網不復得閑居迢遞別東國超遙來  
西都見人乃恭敬曾不問賢愚雖若不能言中心  
亦難誣故鄉滿親戚道遠情日踈偶欲陳此意復  
無南飛鳥

草木花葉生相與命爲春當非草木意信是故時

言終  
人靜念惻羣物何由知至真狂歌問夫子夫子莫  
能陳鳳凰飛且鳴容裔下天津清淨無言語茲焉  
庶可親

黃河流向東弱水流向西趨舍各有異造化安能  
齊妾本邯鄲女生長在叢臺叶既聞容見寵復想  
玄爲妻刻畫尚風流幸會君招携逶迤歌舞座婉  
變芙蓉閨日月方向除恩愛忽焉睽棄置誰復道  
但悲生不諧羨彼匹婦意偕老常同棲

日暮登春山山鮮雲復輕遠近看春色踟躕新月  
明仙人浮丘公對月時吹笙丹鳥飛熠熠蒼蠅亂  
營營羣動汨吾真訛言傷我情安得如子晉與之  
遊太清

耿耿銅鞮宮遙望長數里賓客無多少出入皆珠  
履朴儒亦何爲辛苦讀舊史不道無家舍効他養  
妻子冽冽玄冬暮衣裳無準擬偶然著道書神人  
養生理公卿時見賞賜賚難具紀莫問身後事且  
論朝夕是

空山暮雨來衆鳥竟棲息斯須照夕陽雙雙復撫

言紀 盛唐卷之五 十七  
翼我念天時好東田有稼穡浮雲蔽川原新流集  
溝洫徘徊顧衡宇僮僕邀我食卧覽一作牀頭書  
睡看機中織想見明膏煎中夜起唧唧

四鄰競豐屋我獨好卑室窈窕高臺中時閑撫清  
瑟狂飈動地起拔木乃非一相顧始知悲中心憂  
且慄蚩蚩命子弟恨不居高秩日入賓從歸清晨  
冠蓋出中庭有奇樹榮早衰復疾此道猶不知微  
言安可述

盛唐第五

盛唐第六

唐詩紀六十六

鄆郡吳瑄彙編

東吳俞策同校

儲光羲二

五言古詩二

田家雜興八首

春至鶻鷓鳴薄言向田墅不能自力作黽勉娶鄰  
女既念生子孫方思廣園圃閑時相顧笑喜悅好  
禾黍夜夜登嘯臺南望洞庭渚百草被霜露秋山

言  
屈  
卷  
之  
六  
響砧杵却羨故年時中情無所取  
衆人恥貧賤相與尚膏腴我情既浩蕩所樂在畋  
漁山澤時晦暝歸家暫閑居滿園植葵藿繞屋樹  
桑榆禽雀知我閑翔集依我廬所願在優游州縣  
莫相呼日與南山老兀然傾一壺  
逍遙阡陌上遠近無相識落日照秋山千巖同一  
色網罟繞深莽鷹鷂始輕翼獵馬既如風奔獸莫  
敢息駐旗滄海畔犒士吳宮側楚國有夫人性情  
本貞直鮮禽徒自致終歲竟不食

田家趨隴畝當晝掩虛關鄰里無煙火兒童共幽  
閑桔槔懸空圃雞犬滿桑間須臾一作農事隙采

時來

藥遊名山但願所采多不言路險艱人生如蜉蝣  
一往不可攀君看西王母千歲美容顏

貧士養情性不復知憂樂去家行賣畚留滯南陽  
郭秋至黍苗黃無人可刈獲孺子朝來飯把竿逐  
鳥雀忽見梁將軍乘車出宛洛意氣軼道路光輝  
滿墟落安知負薪者啞啞笑輕薄

楚山有高士梁國有遺老築室既相鄰向一作田

同

復同道糗糒常共飯兒孫每紀事更抱忘此耕耨  
勞愧彼風雨好蟪蛄鳴空澤鷓鴣傷秋草日夕寒  
風來衣裳苦不早

梧桐蔭我門薜荔網我屋超超兩夫婦朝出暮還

宿稼穡既自務

紀事作種

牛羊還自牧日旰懶耕鋤登

高望川陸空山足禽獸墟落多喬木白馬誰家兒

聯翩相馳逐

種桑百餘樹種黍三十畝衣食既有餘時時會親

友夏來菰米飯秋至菊花酒孺人喜

一作善

逢迎稚

子解趨走日暮閑園裏團團蔭榆柳酪酏乘夜歸  
涼風吹戶牖清淺望河漢低昂看北斗數罍猶未  
開明朝能飲否

題辨覺精舍

朝隨秋雲陰乃至青松林花閣空中遠方池巖下  
深竹風亂天語谿響成龍吟試問真君子遊山非  
世心

題崔山人別業

南陽隱居者築室丹谿源谿冷懼秋晏室寒欣景

暎山雞鳴菌閣水霧入衡門東嶺或舒嘯北窓時  
討論封君渭川竹逸士漢陰園何必崆峒上獨為  
堯所尊

行次田家澳梁作

田家俯長道邀我避炎氛當暑日方晝高天無片  
雲桑間禾黍氣柳下牛羊羣野雀栖空屋晨風不  
復聞前登澳梁坂極望溫泉分逆旅方三舍西山  
猶未曛

昭聖觀

主家隱谿口微路入花源數日朝青閣彩雲猶在  
門雙樓夾一殿玉女侍玄元扶棹盡蟠木步欄多  
畫幡新松引天籟一作闕小柏繞山樊坐弄竹陰遠  
行隨谿水喧石池辨春色林獸知人言未逐鳳凰  
去真宮在此原

題辛道士房

全神不言命所尚道家流迨此遠南楚遂令思北  
遊先生秀衡嶽玉立居玄丘門帶江山靜房隨瑤  
草幽逍遙三花發罔象五雲浮自有太清紀曾垂



言終  
草髮憂大年方橐籥小智卽蜉蝣七日赤龍至莫  
令余獨留

登秦嶺作

時陷賊  
歸國

朝出猛獸林躩踞登高峯僮僕履雲霧隨我行太  
空羲和舒靈暉倏忽西極通迴首望涇渭隱隱如  
長虹九達合蒼蕪五陵遙腫朦鹿遊大明殿霧濕  
華清宮網羅蟣蠓時顧齒熊羆鋒失途走江漢不  
能有其功氣逐招搖星魂隨閶闔風唯言宇宙清  
復使車書同林木被繁霜合沓連山紅鵬鷲勵羽

翼俯視荆棘叢誓將食鷓鴣然後歸崆峒

晦日任橋池亭

溫泉作天邑直北開新洲未有菰蒲生卽聞鳧鴈  
遊六亭在高岸數島居中流晦日望清波相與期  
泛遊西道苦轉轂北堤疲行舟清泠水木陰纔可  
適我憂

望幸亭

五年一巡狩西幸過東畿周國易居守周人多怨  
思君王敷惠政程作貴從時大厦非一木沈沈臨

九達慶雲宿飛棟嘉樹羅青墀  
疏屏宜朝享方塘堪水嬉  
雲中仰華蓋桁下望春旗  
天意知如此星言歸洛師

哥舒大夫頌德

天紀啓真命君生臣亦生  
乃知赤帝子復有蒼龍  
精神武建皇極文昌開將星  
超超渭濱噐落落山  
西名畫闥入受服鑿門出  
扞城戎人昧正朔我有  
軒轅兵隴路起豐鎬關雲隨  
旆旌河湟訓兵甲義  
勇方橫行韓魏多銳士  
蹶張在幕庭大非四決軋

石堡高崢嶸攻伐若振槁孰云非  
神明嘉謀卽天意驟勝由師貞  
枯草被西陸烈風昏太清  
戢戈旄頭落牧馬崑崙平  
賓從儼冠蓋封山紀天聲  
來朝芙蓉闕鳴玉飄華纓  
直道濟時憲天邦遂輕刑  
抗書報知已松柏亦以榮  
嘉命列上第德輝照天京  
在車持簡墨粲粲皆詞英  
顧我搶榆者莫能翔青冥  
遊燕非騏驥躑躅思長鳴

安宜園林獻高使君

直道已三出幸從江上迴  
新居茅茨迴起見秋雲

詩紀 盛唐卷之六  
開十里次舟楫二橋交往來楚言滿鄰里鴈叫喧  
池臺魚鼈樂仁政沈浮亦至哉小山宜大隱要自  
望蓬萊

秋庭貽馬九

并序

扶風馬挺余之元伯也舍人諸昆知已之目挺  
充鄭鄉之賦予乃貽此詩

伊昔好觀國自鄉西入秦往復萬餘里相逢皆衆  
中大君幸東岳世哲扈時巡予亦從此去閑居清  
洛濱稍稍寒木直彩彩陽華新迭宕孔文舉風流

石季倫妙年一相得白首定相親重此虛賓館歡  
言冬及春哲兄盛文史出入馳高軌令德本同人  
深心重知已絳衣朝聖主紗帳延才子伯淮與季  
江清濬 孤峙羣方趨汎愛萬物通情理而我信  
空虛提携過杞梓夫君美聲德直道期終始孰謂  
忽離居優游鄭東里東里近王城山連路亦平何  
言相去遠閒言獨淒清萬里鴻鴈度四鄰砧杵鳴  
其如久離別重以霜風驚

河中望鳥灘作貽呂四郎中

河流有深曲舟子莫能知弭棹臨沙嶼微吟西日  
馳平明春色霽兩岸好風吹去去川途盡悠悠親  
友離漢宮成羽翼伊水弄參差爲惜淮南子如何  
攀桂枝

秦中初霽獻給事二首

渭水收暮雨處處多新澤宮苑傍山明雲林帶天  
碧君子聳高駕英聲邈今昔鏘珮出中臺影纓入  
仙掖夙心幸清鑒晚志欣良覲鳴盜非足徵願言  
同下客

南國久爲思西都當作賓雲開天地色日照山河  
春善聽在知己揚光唯達人妙年弄柔翰弱冠偶  
良辰擢第文昌閣還家滄海濱寸心何所望東掖  
有賢臣

晚次東亭獻鄭州宋使君文

自初賓上國乃到鄒人鄉曾點與曾子俱升闕里  
堂武皇恢大畧逸翮思寥廓三居清憲臺兩拜文  
昌閣爲道旣貞信處名猶謇諤鐵柱勵風威錦軸  
含光輝夜聞持簡立朝看伏奏歸洞門清珮響廣

路玉珂飛驥首入丹掖搏空趨太微綵綸逢聖主  
出入飄華組悒悒宿帝梧侃侃居文府海內語三  
獨朝端謀六戶善計在弘羊清嚴歸仲舉侍郎跨  
方朔中丞茂周處天眷擇循良惟賢降寵章分符  
指聊攝爲政本農桑籍籍歌五袴祁祁頌千箱隨  
車微雨灑逐扇清風颺旣以遷列國復茲鄰帝鄉  
褰帷乃仍舊坐嘯非更張居敬物無擾履端人自  
康薄遊出京邑引領東南望林晚鳥雀噪田秋稼  
穡黃成臯天地險廣武征戰場道喪苦兵賦時來

開井疆霏霏渠門色曖曖制巖光徒念京索近猶  
悲溱洧長大明潛照曜淑慝自昭彰昔歲幸西上  
今茲歸洛陽同焉知鄭伯當輔我周王

秋次灞亭寄申大

橘柚植寒陵芙蓉蒂脩坂無言不得意得意何由  
展况我行且徒而君往猶蹇旣傷人事近復言天  
道遠薄暮入空亭中夜不能飯南聽鴻鴈盡西見  
招搖轉千門漢主宮百里周王苑杲杲初景出油  
油鮮雲卷會朝幸歲真校獵從秋獮念君久京國

言終  
盛唐卷之六  
九  
雙涕如露泫無人薦子雲太息竟誰辨

舟中別武金壇

曰予輕皎潔坦率賓混元忽乃異羣萃高歌信陵  
門信陵好賓客清夜開華軒月光麗池閣野氣浮  
林園偶坐爛明星歸心潛崩奔漾舟清潭裏慰我  
別離魂落日下西山左右慘無言蕭條風雨散宵  
靄江湖昏秋荷尚幽鬱暮鳥復翩翩紙筆亦何爲  
寫我心中寃

鞏城東莊道中作

北陵散寒鳥西山照初日婉變晉陽京踟躕野人  
室南軒草間去後乘林中出靄靄長路煖遲遲狹  
路歸蜉蝣時蔽月枳棘復傷衣城上東風起河邊  
早鴈飛夏王紀冬令殷人乃正月涯口度新雲山  
陰留故雪幸逢耆耄諾餘待親鄰別總轡出叢薄  
歇鞍登峻隅春源旣蕩漭伏戰亦睢盱未獲遵平  
道徒言信薄夫

赴馮翊作

本自江海人且無寥廓志大明耀天宇靄靄風雨

被迢遞別荆吳飄飄涉沂泗廣川俟舟楫峻坂傷  
騏驥蹭蹬失歸道崎嶇從下位西出太華陰北走  
少梁地葱蘢墟落色泱泱關河氣恥從俠烈遊甘  
爲刀筆吏寶劔茱萸匣豈忘知音貴大道且泛然  
沈浮未云異

晚霽中園喜赦作

五月黃梅時陰氣蔽遠邇煙雲連晦朔菰菜生鄰  
里落日燒霞明農夫知雨止幾悲衽席濕長歎垣  
墻毀曠朗天宇開家族躍以喜渙汗發大號坤元  
更資始散衣出中園小徑尚滑履池光搖萬象倏  
忽滅復起嘉樹如我心欣欣豈云已

觀范陽遞俘

北河旄星殞鬼方彌林胡羣師舞弓矢電發歸燕  
墟皇皇軒轅君贊贊臯陶謨方思壯軍實遠近遞  
生俘車馬踐大達合沓成深渠牧人過橐駝校正  
引駒駘烈風朝送寒零雪靄天隅草木同一色誰  
能辨榮枯四履封元戎百金酬勇夫大邦武功爵  
固與炎皇殊

言系  
次天元十載華陰發兵作時有郎官點發  
鬼方生獫狁時寇盧龍營帝念霍嫖姚詔發咸林  
兵天星下文閣簡師臨我城三陌觀勇夫五餌謀  
長纓雷野大車發震雲靈鼓鳴太華色莽蒼清渭  
風交橫胡馬悲雨雪詩人歌旆旌闕氏爲女奴單  
于作邊氓神皇麒麟閣大將不書名

送丘徙至州敕放作

時任下邳尉

太史登觀臺天街耀旄頭大君忽霆震詔爵冠軍  
侯南必梁孫源西將圍崑丘河隴徵擊卒虎符到

我州朝集咸林城師言亂啁啾殺氣變木德凜凜  
如高秋元戎啓神皇廟堂發嘉謀息兵業稼穡歸  
馬復休牛和風開陰雪大耀中天流歡聲殷河嶽  
涵蕩非煙浮邦牧新下車德禮被吐謳乾坤日交  
泰吾亦遂優游

發商丘

河水日夜流客心多殷憂維梢歷宋國結纜登商  
丘漢皇封子弟周室命諸侯搖搖世祀怨傷古復  
兼秋鳴鴻念極浦征旅慕前儔太息梁王苑時非



言  
牧馬遊

羣鴉詠

新宮驪山陰龍袞時出豫朝陽照羽儀清吹肅達  
路羣鴉隨天車夜滿新豐樹所思在腐餘不復憂  
霜露河低宮閣深燈隱鼓鐘曙繽紛起寒枝矯翼  
時相顧冢一作家宰收琳琅侍臣進一作盡鵠鷺高舉  
摩太清永絕矰繳懼茲禽亦翱翔不以微小故

尚書省受誓誠貽太廟裴丞

皇家有恒憲齋祭崇明祀嚴車伊洛間受誓文昌

裏沈沈雲閣見稍稍城烏起曙色照衣冠虛庭鳴  
劍履徘徊念私覲悵望臨清汜點翰欲何言相思  
從此始

夏日尋藍田唐丞登高宴集

東望春明門駕言聊出遊南行小徑盡綠竹臨清  
流君出罷六安居此澹忘憂園林與城市閭井隨  
人幽披顏闕衡闈置酒登崇丘山河臨咫尺宇宙  
窮寸眸是時春載陽佳氣滿皇州宮殿碧雲裏鴛  
鴦初命儔良辰方在茲志士安得休成名苟有地

詩紀  
盛唐卷之六  
何必東陵侯

田家卽事荅崔二東臯作四首

玄鳥雙雙飛杏林初發花  
响媮命僮僕可以樹桑  
麻清旦理犁鋤日入未還家

有客山中至言傳故人訊  
蕩漾敷遠情飄颻吐清  
韻猗歟春臯上無乃成秋興

念別求須臾忽至嚶鳴時  
菜田燒故草初樹養新  
枝所寓非幽深夢寐相追隨

依依親隴畝寂寂無鄰里  
不聞雞犬音日見和風

起賴君遺挾藻憂來散能弭

敬酬陳掾親家翁秋夜有贈

大姬配胡公位乃三恪賓  
盛德百代祀斯言良不  
泯敬仲爲齊卿當國名益震  
文舉登宰輔太丘榮  
縉紳武皇受瑤圖爵土封其新  
繁祉旣驟集裔孫  
生賢臣特達踰珪璋節操方松筠  
雲漢一矯翼天  
池三振鱗曳裾朝赤墀酌醴侍紫宸  
大君錫車馬  
時復過平津言則廣台階道亦資  
天鈞清秋忽高  
興振藻若有神曜曜趨宮廷  
泂泂邁徐陳鎬京旣

言終  
賜第門巷交朱輪方將襲伊臯永以崇夏殷宗黨  
無遠近敬恭依仁人雪盡宇宙暄鴈歸滄海春沈  
吟白華頌帝闈降綵綸驛騎及蕪城相逢在郊野  
別離曠南北譴謫罹苦辛晝遊還荆吳迷方客咸  
秦惟賢惠重義男女期嘉姻梧桐生朝陽鷓鴣鳴  
蕭晨豈不畏時暮坎塲無與鄰中夜涼風來顧我  
闕音塵瓊瑤不遐棄寤寐如日新

蘇十三瞻登玉泉寺峯入寺中見贈作

慶門疊華組盛列鍾英彥貞信發天姿文明叶邦

選爲情貴深遠作德齊隱見別業在春山懷歸出

芳甸逖聽多時友招邀及浮賤朝沿灞水窮暮矚

藍田徧百花照阡陌萬木森鄉縣蘇居世業藍田澗淨綠

蘿深巖暄新鳥囀依然造華薄豁爾開靈院淹留

火禁辰愉樂弦歌宴時藍田令柏命飲肅肅列樽俎鏘鏘

引纓弁天籟激微風陽光轆奔箭以茲小人腹不

勝君子饌是日旣低迷中宵方眇眩時醉霍亂枕上思

獨往胷中理交戰碧雲暗雨來舊原芳色變歡然

自此絕心賞何由見鴻濛已笑雲列缺仍揮電忽

與去人遠俄逢歸者便

時藍田尉朝行入城與之俱

想像玉泉

宮依稀明月殿峯巒若登陟水木以遊衍息心幸

自忘點翰仍留眷恨無荆文壁以荅丹青綯

酬李處士山中見贈

厥初遊太學相與極周旋舍采共朝暮知言同古  
先孟陽題劔閣子雲獻甘泉斯須曠千里婉婉將  
十年今來艷陽月好鳥鳴翩翩同聲既求友不肖  
亦懷賢引領遲芳信果枉瑤華篇成頌非其德高  
文徒自妍聲塵邈超越比興起孤絕始信郢中人

乃能歌白雪跂予北堂夜搖筆酬明哲綠竹動秋

風層軒靜華月想像南山下恬然謝朝列猶恐鷓

鳩鳴坐看芳草歇邀以青松色同知白華潔永願

登龍門相將持此節

李詩云青  
青此松柏

言終

盛唐第六

盛唐第六



